

ROM

Pepa Paulo ingere panzi kalo-tawana tamâta simo Rom lawea

Rom nde lawea ñalae tonje lâ Itali tâno. Paulo imo Korin lawea itula Yesu ne pâri ara, ñineŋga ingere pepa ñine ilâ panzi kalo-tawana tamâta simo Rom (Pâri Tamâta 20:2). Paulo itu ma ilâ ikalelenzi lâ Rom (1:11-13), kala ingere pepa ñine imuŋga papa i. Paulo iporo tu kindâ tamâta rârâni nde kiesaka tamwatânda, kala Maro Kindeni ne wisi-nâna ikeno pa kindâ; andeta Maro nde wisi-wisi warika, kala isupwa Yesu imâ imâte ñana izavaru nenda kiesaka piti lâ tininda. Aku lâ kalo-tawana ne nzâla taitu nâ, ande kindâ tapâŋga ilonda mbâra-mbâra lâ Maro Kindeni nao (1-3). Paulo itula pwataki tu Yesu ne tini-mwasa nde ñalae tina (8).

Paulo iporo ñana i ne wurâta ñana itula pâri ara kâ

¹ Naña Paulo, Yesu Kirisi ne wurâta tamâta naña. I nanayoni ipatea naña tu amo i ne pâri-tamâta, aku isupwana tu alâ atula Maro Kindeni ne pâri ara.

² Mungani lâ, Maro Kindeni iveta ñgua pâña ñana pâri ara ñinde kâ, aku itula ñgua pâña ñinde pwataki panzi ñgua-tulâña tamâta, ñana kinzi ma siŋgere i kawa ñgua sapâña ñinde lâ pepa tini.

³ Pâri ara ñinde nde ñana i Natu kâ. I Natu ñinde nde ipângga tamâta, aku imo lâ Koipu Nalae Daviti see.

⁴ Andeta i imo Maro Kindeni Natu kaika warika tona. Koroani Sapâña itula ñinde pwataki pa kinda lâ zo ñinde Maro Kindeni ipaño i lâ mateña nianzi imandi imo via kilo. Ina Yesu Kirisi, nenda Maro Nalae.

⁵ Yesu Kirisi ikai Maro Kindeni ne wisi-wisi imâ pa naña lâ, aku Maro Kindeni ilo tu naña ma atula Yesu Kirisi parina pwataki. Mine kala ipatea naña tu amo i ne pâri-tamâta, ñana kinzi tamâta lâ ngu ndoni ma sikura tu kalonzi tawana Yesu ku sipono muli pa i kawa ñgua.

⁶ Aku miki kala mine nâ kaloño Maro Kindeni ne sarawâña lâ, aku kao nemi kalo-tawana ilâ pa Yesu Kirisi marumbu lâ.

⁷ Mine nde naña angere ñgua lâ pepa ñine tini imâ pa miki kalo-tawana tamâta kamo Rom lawea, miki ñinde Maro Kindeni ilo ndo keno pami kala ipateami tu kamo i tamwata ne ngu. Tamânda Maro Kindeni anğa Maro Nalae Yesu Kirisi nenzi wisi-wisi wa wisi-pisi wa imâ pami.

Paulo ilo tu ikalelenzi kalo-tawana tamâta ngu simo Rom lawea

⁸ Nana atu aporo ñgua ñine munga lâ nga; ikura tâno ndoni, kinzi tamâta uru situla miki parinami tu nemi kalo-tawana ikeno kaika ñinde. Mine nde lâ Yesu Kirisi ña naña kawângu ndanđe pa nanenğu Maro Kindeni ñana miki rârâni kâ.

⁹ Naña uru amandi kaika nâ ñana aveta wurâta pa Maro Kindeni, ñana atula pâri ara

pwataki nana i Natu kâ. Aku Maro Kindeni tamwata nde isama tu nana uru kalonngu ngere nana miki kâ ikura zo zo,

¹⁰ lâ nanenngu nona rârâni. Aku nana uru ano papa i tu ma isâu pa nana, ku ma iveta nzâla pana nana amâ amo kumi.

¹¹ Nana ilonngu ndo tu amora miki. Nana ilonngu tu atula Koroani Sapâna ne ilo-kalo pinde pami, nana ipu tini kaika pa ilomi kalomi.

¹² Nana ilonngu kalonngu nde ikeno mine; ambo nana ma amâ amo kumi, ande nemi kalo-tawana ma ivila nana, aku nanenngu kalo-tawana kala ma ivila miki mine nâ. Aku ninde ma ipu tini kaika pa kinda rârâni ilonda kalonda.

¹³ Ninngu-nambwe wukale, nana ilonngu tu miki ma kasama nîne sonde; munyani, ikura zo rârâ, nana ilonngu pateu tu ma amâ amorami. Nanenngu wurâta uru ivilanzi tamâta lâ tinikoa ngu pinde nana sio nenzi kalo-tawana ilâ pa Yesu Kirisi kâ. Aku nana ilonngu tu avila miki lâ vetâna kie taituni. Andeta nana akura tu amâ amorami, ande tia.

¹⁴ Maro Kindeni ipateu wurâta pa nana tu ma avilanzi tamâta rârâni, kinzi kumbâe wa sâwa wa, kinzi ilo-kalo tamwatanzi wa tamâta nenzi ilo-kalo njalae kona tia wa.

¹⁵ Mine kala ilonngu igagatina nana amâ atula pâri ara pa miki tamâta kamo Rom lawea tona.

Maro Kindeni ne walo kaika ikeno pâri ara tini

¹⁶ Maro Kindeni ne walo kaika ikeno pâri ara tini. Mine nde nana mainngu nana aporo atula pâri ara kâ, ande tia ndo. Pâri ara ninde nde

Maro Kindeni ne kaika nana ikai kindi kalotawana tamata rarani piti la kondoma ilo. I iveta mine pa maka Juda tamata munga la, aku muli nga iveta mine na panzi tamata la tinikoa ngu.

¹⁷ Pâri ara ninde itula Maro Kindeni ne masi nana iveta kindi tapanga sondo la i nao. Ambo kindi ma kalonda tawana i, ande ma tapanga tamo ilonda mbâra-mbâra la i nao, nana tu kalotawana ne nzala simbo na ikura tu iveta kindi tapanga mine. Maro Kindeni kawa ngua ikeno la pepa tini mine tu, “Tamata ea kinzi kalonzi tawana i, kinzi ninde rarani ma simo ilonzi mbâra-mbâra la Maro Kindeni nao, aku ma simo vianzi na.”

Kinzi tamata rarani sipu mulinzi pa Maro Kindeni

¹⁸ Maro Kindeni imo samba ilo, aku i ne wisinana nalae nde ikeno panzi tamata rarani ninde sipu mulinzi pa i ku sipaveta kuku kiesaka ne vetanga. Kinzi nenzi vetanga potomule ninde uru itawa ngua mao ndue la.

¹⁹ Kinzi tamata ninde sikura tu sisama Maro Kindeni kilala, nana tu i tamwata itula ninde pwataki panzi la. Andeta kinzi sipu mulinzi papa i. Mine kala ikai kazanga nalae tina panzi.

²⁰ Nia ndoyo, la zo ninde Maro Kindeni ipulianzi kekekeke rarani sipanga, aku ima lee ipanga la zo nina, ande tamata sikura nana sisama tu Maro Kindeni ne walo kaika uru ikeno mine ku imo na. Aku sikura nana sisama i kilala pwataki tu i nde Maro Nalae mao kanango. Kindi tamata takura tu tamora i kilala tava ne walo kaika ninde la matanda, ande tia. Taitu

kinda uru tamora kelekele rârâni ñinde i muŋga ipulianzi sipâŋga lâ, aku kelekele ñinde itula i kilala pwataki lâ. Mine nde tamâta tonje ikura tu iporo ŋgua mine tu, “Nanengu soki tonje tia, ñana tu naŋa ñandai asama Maro Kindeni kilala ŋga”, ande ikura tia.

²¹ Kinzi sisama Maro Kindeni kilala marumbu lâ, andeta ilonzi patea tu i ñandai Maro Ñalae mao ŋga. Mine kala kinzi ñandai sipanea i ña sisuka kâki ŋga, aku ñandai kawanzi ndaŋge papa i ŋga. Nenzi ilo-kalo nde ipâŋga kapa lâ. Ñinde itogo kondoma ipipi ndo lâ ilonzi kalonzi kaa kaa ñinde.

²² Kinzi sipalâŋe siporo tu, “Maka nde ilo-kalo tamwatama”, andeta sipâŋga kapa ndo lâ.

²³ Kinzi sipu mulinzi pa Maro Kindeni, ina uru imo mine ku imo nâ, aku sipile nenzi mâsi ñana siwâŋgi sipanea i kâ. Kinzi sipare tamâta tainzi wa sii tainzi wa ŋgoa ŋgoi tainzi wa mwâta tainzi wa lâ kâ tini, ñinenga sipare tukunzi siwâŋgi pa kelekele kaa kaa ñinde.

Kinzi tamâta uru siveta mâsi potomule kie-kie

²⁴ Kinzi tamâta ñinde sipu mulinzi pa Maro Kindeni marumbu lâ. Mine kala ipilenzi lâ, aku warakanzi nenzi ilo-kalo potomule ñinde igagat-inzi ñana siveta mâsi sakamao ñana sipalulua warakanzi tininzi potomule kâ.

²⁵ Kinzi tamâta ñinde sipu mulinzi pa Maro Kindeni ne ŋgua mao, aku sipaloŋo pa ŋgua laŋeŋa nâ. Kinzi sipile nenzi mâsi ñana siwâŋgi sipanea Maro Kindeni tamwata, inani nia ndoyo ipulianzi kelekele rârâni sipâŋga lâ, aku siwâŋgi

sipanea kelekele ndainani nâ Maro Kindeni munḡani ipulianzi sipânḡa nḡinde. Kinzi sipono muli pa kelekele nḡinde, andeta Maro Kindeni tamwata nde kelekele rârâni warika. Mao nâ, i nde kelekele rârâni warika, aku kinda nenda paneâḡa ma ilâ pa i simbo nâ ikura zo rârâni. Mao.

²⁶ Kinzi sipu mulinzi pa Maro Kindeni marumbu lâ. Mine kala ipilenzi tu sipaveta kuku ilo-yosiḡa ne mâsi sakamao. Opopo, kinzi taine ilonzi keno pa pakâeḡa ne vetâḡa ara, ande tia. Kinzi sipalulua warakanzi tininzi potomule ilâ pa nawalanzi taine nâ.

²⁷ Aku kinzi tamâne kala mine nâ, kinzi sipu mulinzi pa pakâeḡa ne vetâḡa ara kâ, aku ilonzi ḡalae tina ḡana sipalulua warakanzi tininzi potomule ilâ pa nawalanzi tamâne nâ. Kinzi sipaveta kuku mâsi sakamao ndo nḡinde. Mine nde sikai nenzi vetâḡa potomule nḡinde ne pareḡa-nia lâ warakanzi karaenzi.

²⁸ Kinzi tininzi pwâka tu kalonzi ḡgere ḡana Maro Kindeni kâ. Mine kala isâu panzi tu sipaveta kuku warakanzi nenzi ilo-kalo sakamao nḡinde nâ. Aku kinzi siveta mâsi potomule kie-kie.

²⁹ Ilo-kalo potomule kie-kie nde pipi lâ keno ilonzi kalonzi. Mine kala kinzi sipaveta kuku kiesaka ne vetâḡa kie-kie. Kinzi ilonzi igagatinzi ḡana sigona mbaliḡa rârâ, aku wisinzi tia. Kinzi ilonzi yosi ḡana tininzi pinde nenzi mbaliḡa, aku sipawa ḡgua wa sipunzi tamâta pâta simâte wa. Kinzi sikai laḡeḡa panzi tininzi pinde, aku ilonzi sakamao ḡananzi tona. Kinzi siporo ḡgua nao-

muli,

³⁰ aku siporo ngua lanjeŋa ŋana siyaula tamâta pinde ŋanzi kâ tona. Kinzi sikai kazâŋa pa Maro Kindeni, aku siporo ngua pavaligiŋa pa warakanzi tona. Kinzi ilonzi tu kinzi nâ nde tamâta ara, aku sindeka nâ ŋana sipasuka warakanzi ŋanzi kâki kâ tona. Kinzi ilonzi igagatinzi ŋana sipaveta kuku vetâŋa sakamao wasaseki pinde, aku taŋanzi kaika pa tinanzi-tamanzi tona.

³¹ Kinzi nenzi ilo-kalo ara tonje keno panzi tia ndo. Kinzi sitoto warakanzi nenzi ngua pâŋa ututu, aku ŋandai tininzi mwasa panzi tininzi pinde wa kalonzi sukâŋa ŋananzi wa.

³² Maro Kindeni ne ngua tukuŋa sondo itula pwataki tu mateŋa uru io tini ŋananzi tamâta ea uru siveta mâsi potomule kie-kie ŋinde, aku kinzi tamâta ŋinde sisama ngua tukuŋa ŋinde marumbu lâ. Andeta taŋanzi kaika ku sipaveta kuku mâsi ndainani nâ. Andeta ŋinde nâ tia; kinzi sindekananzi tamâta ŋinde uru sipaveta kuku mâsi potomule kie-kie ŋinde tona.

2

Maro Kindeni ipare nia sondo ndo panzi tamâta

¹ Mine nde miki tamâta ea uru kataleanzi tinimi pinde ŋana nenzi vetâŋa kâ, ande naŋa atu aporo ngua pa miki taitu-taitu. Noko pwura ŋana kuporo tu noko ne soki tonje tia, ande kura tia. Kulonjo ŋga; lâ zo ndia noko kuporo kutalea tamâta tonje, ande noko kuporo tale pa tamwata tona, ŋana tu noko tamwata kala uru

kuveta vetâŋa taituni ikura tamâta ŋinde iveta mine.

² Kinda tasama tu Maro Kindeni ipare nia panzi tamâta ea uru siveta mâsi potomule kiekie ŋinde, aku i ne pareŋa-nia ŋinde nde sondo ndo.

³ Kinzi tamâta pinde uru siveta mâsi potomule mine, aku noko uru kuporo tale kusowe ŋgua lâ tininzi. Andeta noko tamwata uru kuveta vetâŋani ndaina ikura kinzi siveta mine. Tiambo noko ilo tu Maro Kindeni ne pareŋa-nia ma iŋgeŋge ŋanano, tiya? Tia ndo kanaŋo!

⁴ Maro Kindeni uru kalo sukâŋa ŋalae pa noko. I imo io tini ŋanano ikura zo luandondo ŋalae, aku i ŋandai ipare nia walele pa noko ŋga. Tiambo noko ilo tu Maro Kindeni ne vetâŋa ara ŋinde nde kelekele kaa nâ, a? I ilo tu noko ma kupalele ilo kalo, aku ŋana duvi ŋinde kâ i uru iveta kie ara nâ pano. Tiambo noko kuzizâla ŋana ŋinde kâ, a?

⁵ Taitu noko nde taŋa-kaika tamwata, aku tini pwâka tu kupalele ilo kalo. Mine kala noko kupayaula tamwata, aku muli, lâ zo ŋinde Maro Kindeni ne wisi-nâna ma ipâŋga nia yo aku i ma ipare nia sondo ndo panzi tamâta, ande i ne wisi-nâna ŋinde ma imâ ŋalae tina pa noko.

⁶ Nana tu “Maro Kindeni ma kulu ilanzi tamâta rârâni taitu-taitu, ipakura kuku vetâŋa ndia muŋga kinzi siveta ŋinde.”

⁷ Tamâta pinde uru sipaveta kuku vetâŋa ara. Kinzi ilonzi ndo tu Maro Kindeni ma ionzi simo i ne sinâla ilo ku ma isuka ŋanzi kâki, aku ilonzi ndo tu i ma via mao ilanzi ŋana simo vianzi kuku

i ku simo nâ. Maro Kindeni ma via mao ndainani nâ ilua kinzi tamâta ñinde, kala ma simo ara mine ku simo nâ.

⁸ Anğa tamâta pinde uru ilonzi pa warakanzi nâ. Kinzi sipu mulinzi pa vetâņa ara, aku sipaveta kuku vetâņa potomule nâ. Maro Kindeni ne wisi-nâna ikeno panzi tamâta ñinde, aku i ma ipare nia sondo ndo panzi.

⁹ Malia wa nâna ñalae tina ma ipâņga panzi tamâta rârâni uru siveta vetâņa potomule. Ñinde ma ipâņga panzi Juda tamâta, aku ma ipâņga mine nâ panzi tamâta lâ tinikoa űgu tona.

¹⁰ Andeta Maro Kindeni ma iveta kie ara panzi tamâta rârâni uru siveta vetâņa ara. I ma ivetanzi simo ara ndo lâ i ne sinâla ilo, aku ma isuka űanzi kâki wa wisi-pisi ilanzi wa. I ma iveta mine panzi Juda tamâta, aku ma iveta mine nâ panzi tamâta lâ tinikoa űgu tona.

¹¹ Nana tu tamâta rârâni simo rege-rege lâ Maro Kindeni nao.

¹² Ñinde nde duvi mine; kinzi tamâta lâ tinikoa űgu nde sizizâla űana Mose ne űgua tukuņa kâ. Maro Kindeni ma izavarunzi űana nenzi kiesaka kâ, andeta i ma ilea pa Mose ne űgua tukuņa ñineņga ipare nia panzi, ande ma tia. Anğa kinzi Juda tamâta, ande Mose ne űgua tukuņa ikeno panzi. Mine kala Maro Kindeni ma ilea pa űgua tukuņa ndainani nâ, ñineņga ma ipare nia panzi űana nenzi kiesaka kâ.

¹³ Ambo tamâta tonġe ilonġo űgua tukuņa lâ taņa nâ, ande ñinde ikura tu iveta i ipâņga ilo mbâra-mbâra lâ Maro Kindeni nao, ande tia. Anğa tamâta ea kinzi uru siveta ikura űgua

tukuŋa itula panzi mine, ande kinzi ŋinde nâ ma sipâŋga ilonzi mbâra-mbâra lâ Maro Kindeni nâo.

¹⁴ Kinzi ŋgu pinde nde sizizâla ŋana Mose ne ŋgua-tukuŋa kâ. Andeta lâ zo ndia kinzi warakanzi ilonzi igagatinzi ŋana siveta vetâŋa ara pinde, ikura Mose ne ŋgua tukuŋa itula mine, ande mâsi ŋinde itula pwataki tu kinzi sisama vetâŋa ara wa vetâŋa potomule kilala pwataki. Mao nâ, Mose ne ŋgua tukuŋa ikeno panzi tia, taitu warakanzi nenzi ilo-kalo ipâŋga itogo nenzi ŋgua-tukuŋa mine.

¹⁵ Kinzi nenzi vetâŋa ara ŋinde itula pwataki tu Maro Kindeni iŋgere Mose ne ŋgua tukuŋa duvi lâ ilonzi kalonzi marumbu lâ. Kinzi sisama tu vetâŋa pinde nde vetâŋa ara, aku ŋinde kala itula pwataki tu ŋgua-tukuŋa duvi ikeno lâ ilonzi kalonzi. Ŋana tu zo pinde warakanzi nenzi ilo-kalo italeanzi ŋana vetâŋa tonŋe muŋga siveta, kala sisama tu vetâŋa ŋinde nde vetâŋa potomule. Anŋa zo pinde nenzi ilo-kalo ŋinde itula pwataki panzi mine tu vetâŋa tonŋe muŋga siveta nde vetâŋa ara.

¹⁶ Muli ŋga ŋinde ma ipâŋga nia yo, lâ zo ŋalae ŋinde Yesu Kiriŋi ma ikai Maro Kindeni ndamwa ku ma ipare nia panzi tamâta rârâni ŋana nenzi ilo-kalo paveâŋa ndoni. Naŋa uru aporo atula pâri ara ndainani nâ pwataki.

Kinzi Juda tamâta kalonzi tawana tu Mose ne ŋgua tukuŋa ikura tu ivilanzi; andeta tia

¹⁷ Kala ŋine naŋa ilonŋu ŋgua tu aporo pa miki Juda tamâta, miki ŋinde uru kalomi tawana tu Mose ne ŋgua tukuŋa nde ikura ŋana ivetami

kamo sondo lâ Maro Kindeni nao. Miki uru kapasuka warakami tinimi ku kaporo tu, “Makani nde Maro Kindeni ne ngu”.

¹⁸ Miki kasama lâ nana vetâna rârâni Maro Kindeni ipatea pami tu ma kaveta ninde. Aku Mose ne ngua tukuña ipananami lâ, kala miki kakura tu kasama vetâna rârâni kilala tu vetâna pinde nde ara, anga vetâna pinde nde ara tia.

¹⁹⁻²⁰ Miki ilomi tu ngua-tukuña ipananami lâ, aku miki katu ilo-kalo ara rârâni nde ikeno pami marumbu lâ. Aku miki katu ngua rârâni miki kaporo nde ngua mao kanao. Mine nde miki uru kaporo tu, “Mao nâ, maka kakura tu katula nzâla panzi tamâta matanzi leva-leva. Maka kamo katogo sinâla mine panzi tamâta simo kondoma ilo. Maka kakura tu kapanananzi tamâta ea simo tava ilo-kalo soki-soki. Maka kamo kinzi lâlu kiri-kiri nenzi pananâna.”

²¹ Mao nâ, miki uru kapanananzi tamâta pinde. Andeta nana sâ kê nga miki nandai kapanana warakami nga, a? Miki uru kaporo tu, “Kinzi tamâta ma sipanâwe ndimo”. Tiambo miki warakami uru kapanâwe, tiya?

²² Miki uru kaporo tu, “Kinzi pakâeña tamâta ma sipalulua warakanzi tininzi potomule ndimo”. Tiambo miki warakami uru kaveta vetânani ndaina, tiya? Miki uru kaporo tu, “Kinda Juda tamâta ma tininda piti ndo nananzi maro lajeña”. Tiambo miki warakami uru kapanawe kelekele ninde ikeno lâ tinikoa nenzi luma sapâna ilo, tiya?

²³ Miki uru kapasuka warakami tinimi ku kaporo mine tu, “Maro Kindeni ne ngua tukuña

nde ikeno pa maka nâ”. Tiambo miki warakami uru kalaŋa kapole ŋgua tukuŋa, aku nemi vetâŋa ŋinde igagatinzi tamâta pinde ilonzi kalonzi ŋana siporo ŋgua pavaligiŋa pa Maro Kindeni, tiya?

²⁴ Maro Kindeni kawa ŋgua ikeno lâ pepa tini mine tu, “Ŋana miki Juda tamâta warakami nemi vetâŋa soki kê, ande kinzi tamâta lâ tinikoa ŋgu uru siporo ŋgua pavaligiŋa ŋana izavaru Maro Kindeni ŋa kê.”

Kinzi Juda tamâta mao kilalanzi

²⁵ Ambo miki kapono muli sondu pa Mose ne ŋgua tukuŋa rârâni, ande Juda nenzi mâsi ŋana karae-veŋa kê nde kelekele ara pami. Andeta kalonjo ŋga; ambo miki kalaŋa kapole ŋgua tukuŋa, ande miki kapâŋga katogonzi tamâta ŋinde ŋandai sikai karae-veŋa ne mâsi kilala lâ tininzi.

²⁶ Ambo tamâta tonje ŋandai ikai karae-veŋa ne mâsi kilala lâ tini, andeta i uru ipono muli pa ŋgua tukuŋa ne vetâŋa arara rârâni, ande lâ Maro Kindeni nao tamâta ŋinde imo itogo tamâta muŋga ikai karae-veŋa ne mâsi kilala lâ tini.

²⁷ Mao nâ, miki Juda tamâta kakai Mose ne ŋgua tukuŋa ŋinde ikeno lâ pepa tini marumbu lâ. Aku nanayoni miki kakai karae-veŋa ne mâsi kilala lâ tinimi tona. Andeta kalonjo ŋga; ambo miki ma kalaŋa kapole ŋgua tukuŋa, ande muli ŋga tamâta pinde ma simandi ŋgua nia ku ma sisowe ŋgua lâ tinimi. Kinzi tamâta ŋinde ŋandai sikai karae-veŋa ne mâsi kilala lâ tininzi

nga, andeta kinzi uru sipono muli mao pa ngua tukuņa. Kinzi ninde ma sisowe ngua lâ miki Juda tamâta tinimi.

²⁸ Ambo tamâta tonje ikai karae-veņa ne mâsi kilala lâ tini nâ, ninennga iponda Juda ngu ŋoa lâ tamwata tini, ande i nandai Juda tamâta mao nga.

²⁹ Anğa tamâta ea Maro Kindeni ne mâsi kilala ikeno lâ i ilo kalo, ande tamâta ninde nâ nde Juda tamâta mao. Ngua tukuņa ikura tu iveta i ipânnga mine, ande tia. Maro Kindeni ne Koroani Sapâņa nâ iveta wurâta mine lâ tamâta ilonda kalonda. Kinzi tamâta ma tininzi pwâka tu sisuka Juda tamâta mao ninde ŋa kâki, andeta Maro Kindeni tamwata ma isuka tamâta ninde ŋa kâki.

3

Vetâņa potomule ikura tu itawa vetâņa arandue, ande tia

¹ Mine nde nanenngu kasonġa ikeno mine; tiambo Maro Kindeni iveta vetâņa arara pinde panzi Juda ngu, aku i ne vetâņa arara ninde ipole vetâņa arara iveta panzi ngu pinde rârâni, tiya? Kinzi Juda tamâta sikai karae-veņa ne mâsi kilala lâ tininzi, aku ninde ivilanzi, tiya?

² Naņa apaimi tu mao nâ, Maro Kindeni uru iveta vetâņa arara kie-kie panzi Juda tamâta! I ne vetâņa ŋalae tina nde mine; i munġani io i tamwata kawa ngua ilâ panzi Juda ngu tu ma sikatona panzi tamâta rârâni.

³ Mao nâ, Juda tamâta pinde ñandai sipono muli pa i kawa ñgua ñinde ñga. Andeta kalomi ñgere sondo ñga; tiambo nenzi taña-kaika ñinde igagati Maro Kindeni ñana ma ipu i tamwata ne ñgua pâña utu, a?

⁴ Tia ndo kanao! Kinda tamâta rârâni uru taporo ñgua lañeja, aña Maro Kindeni i simbo nâ iporo ñgua mao nâ ikura zo rârâni. Maro Kindeni kawa ñgua ikeno lâ pepa tini mine tu, “Maro Kindeni, noko ne ñgua rârâni kilala ipânga nia yo tu ñgua ñinde nde mao kanao. Noko pwatu tamâta nenzi vetâña soki panzi, aku ñinde nde sondo ndo.”

⁵⁻⁶ Tamâta pinde warakanzi nenzi ilo-kalo ikeno mine tu, “Kinda nenda vetâña potomule uru itula Maro Kindeni ne vetâña arara ipânga nia yo. Mine nde i ne mâsi ñana ikai kazâña pa kinda ñana nenda kiesaka kâ, ande vetâña soki.” Naña apaimi tu ilo-kalo mine nde soki ndo. Ambo Maro Kindeni ne vetâña pinde nde vetâña soki, ande i ma ikura tu ipare nia sondo pa kinda tamâta rârâni ñana nenda kiesaka kâ, ande ma tia. Andeta tia.

⁷ Ilo-kalo mine nde kie taituni itogo ñgua soki tamâta pinde uru siporo mine tu, “Nanengu ñgua lañeja uru iveta Maro Kindeni ne ñgua mao ipânga nia yo, aku ñinde iveta i ña ipânga ñalae. Mine nde ñana sâ kâ ñga i io ñoa ‘Kiesaka Tamwata’ lâ naña tiniñgu ku ipare nia pana, a?”

⁸ Aku ilo-kalo mine nde kie taituni itogo ñgua kaa tonje tamâta pinde uru siporo mine tu, “Ayo, talâ taveta vetâña potomule nâ, ñana tu ñinde ma iveta vetâña ara pinde sipânga!”

Tamâta pinde uru sisowe ŋgua pavaligiŋa lâ tiniŋgu ku siporo tu naŋa warakâŋgu kala uru aporo ŋgua kie taituni itogo ŋgua kaa ŋinde. Maro Kindeni ma ionzi tamâta ŋinde lâ i ne ŋgua nia, ku ma ipare nia sondo panzi, ikura nenzi vetâŋa ŋinde.

Tamâta tonje uru iveta vetâŋa ara nâ, ande tia

⁹ Mine nde miki kalomi ŋgere sondo ŋga; tiambo kinda Juda tamâta nenda vetâŋa nde ara nâ, aku ipole kinzi tamâta lâ tinikoa ŋgu nenzi vetâŋa, tiya? Tia ndo kanaŋo! Naŋa muŋga nâ atula ŋgua pwataki tu kiesaka ne wâlo nde ikai kinda rârâni kaika lâ, kinda Juda tamâta wa kinzi tamâta lâ tinikoa ŋgu wa.

¹⁰ Maro Kindeni kawa ŋgua ikeno lâ pepa tini mine tu,

“Tamâta tonje imo tava ilo mbâra-mbâra lâ Maro Kindeni nao, ande tia ndo kanaŋo.

¹¹ Tamâta tonje uru imo tava ilo-kalo ara nâ, ande tia. Tamâta tonje ilo tu ma imo kuku Maro Kindeni, ande tia.

¹² Tamâta rârâni nde sipu mulinzi pa Maro Kindeni marumbu lâ. Kinzi rârâni nde simo tamâta sakamao ndo. Tamâta tonje uru iveta vetâŋa ara nâ, ande tia ndo kanaŋo.”

¹³ “Kinzi kawanzi nde itogo mateŋa tamâta nenzi kuru mwasina, kawa maa nâ ikeno. Kinzi uru siporo ŋgua mona-mona palanjeŋa rârâ ŋinde, aku ŋgua ŋana iyaulanzi tamâta kê nde pipi lâ ikeno kawanzi ilo, itogo mwâta saka ikanzi tamâta kala simâte mine.”

- 14 “Ikura zo rârâni kinzi siporo ngua sakamao wa wisi-nâna ne ngua kie-kie wa.”
- 15 “Ikura zo rârâni kinzi ilonzi ara nana sipunzi tamâta pinde pâta simâte.
- 16 Kinzi uru siveta vetâna nana siyaulanzi tamâta pinde wa siveta malia panzi wa.
- 17 Kinzi nandai sipaveta kuku mâsi nana simo ilonzi kalonzi taitu kunzi tininzi pinde nga.”
- 18 “Kinzi simege nana Maro Kindeni tia ndo. Kinzi sipu mulinzi papa i.”

19 Tamâta ea kinzi sipono muli pa Mose ne ngua tukuņa, ande wurâta ikeno pa kinzi ninde rârâni nana soka Mose ne ngua tukuņa rârâni muli. Mine kala tamâta tonje ikura tu ipasuka tamwata tini lâ Maro Kindeni nao, ande tia ndo. Kinda tamâta rârâni lâ nia ndoni kawânda buu nâ tamandi tava ilonda muso lâ i nao.

20 Nana tu mâsi nana taponono muli pa ngua tukuņa kâ nde ikura tu iveta tamâta tonje ipânga ilo mbâra-mbâra lâ Maro Kindeni nao, ande tia. Ngua tukuņa ne wurâta taitu nâ ikeno, aku wurâta ninde nde nana itula pwataki tu kinda nde kiesaka tamwatânda.

Tamâta ea kalo tawana Yesu Kirisi, ande i ipânga ilo mbâra-mbâra lâ Maro Kindeni nao

21 Andeta kala nîne Maro Kindeni ne mâsi nana ivetanzi tamâta sipânga ilonzi mbâra-mbâra lâ i nao, ande ipânga nia yo lâ. Aku mâsi ninde nde piti ndo nana ngua-tukuņa ne nzâla kâ. Ngua nana Maro Kindeni ne mâsi ninde kâ nde ikeno lâ Mose ne ngua tukuņa wa kinzi ngua-tulâna tamâta muņgâna nenzi ngua wa.

22 Maro Kindeni ne nzâla nde mine; kinda tamâta ea kalonda tawana Yesu Kirisi, ande kinda ñine rârâni taitu-taitu tapânga ilonda mbâra-mbâra lâ Maro Kindeni nao. Nzâla taituni ñinde nde ikeno pa kinda tamâta rârâni lâ ngu ndoni.

23 Kinda tamâta rârâni taitu-taitu taveta kiesaka, kala takura tu tamo ara kuku Maro Kindeni, ande tia.

24 Andeta Maro Kindeni tamwata ipatea tu ma io ne wisi-wisi imâ pa kinda, aku ñana i ne wisi-wisi ñinde kê, ande Yesu Kirisi iyaute kinda piti lâ kondoma ilo. Mine kala Maro Kindeni tamwata iveta kinda tapânga ilonda mbâra-mbâra lâ i nao. Kinda warakânda ñandai taveta vetâña ara tonje kala tapânga ilonda mbâra-mbâra mine ñga.

25 Nanayoni Maro Kindeni ipatea tu Yesu Kirisi ma imâte ñana izavaru nenda kiesaka piti lâ tininda, kindani kala uru kalonda tawana i. Maro Kindeni ne mâsi ñinde nde duvi mine; i ilo tu kinda ma tasama i kilala pwataki tu i ne vetâña rârâni nde sondo ndo. Singani, ande i nao mwasa nâ panzi tamâta, aku ñandai ipare nia walele panzi ñana nenzi kiesaka ñga.

26 Anğa lâ zo ñine, ande Maro Kindeni kalo ñgere ñana tamâta nenzi kiesaka kê ku ipare nia panzi. Mao nâ, i ne vetâña rârâni nde sondo ndo, aku tamâta ea kalonzi tawana Yesu, ande Maro Kindeni iveta kinzi rârâni sipânga ilonzi mbâra-mbâra lâ i nao.

27 Mine kala kinda takura tu tapasuka warakânda tininda, ande tia ndo, ñana tu nenda

mâsi nana taponu muli pa ngua tukuŋa kâ ikura tu iveta kindâ tapâŋga ilonda mbâra-mbâra lâ i nao, ande tia. Kalo-tawana nâ ikura tu iveta kindâ tapâŋga mine.

²⁸ Kala nîne tasama tu nenda kalo-tawana simbo nâ iveta kindâ tapâŋga ilonda mbâra-mbâra lâ Maro Kindeni nao. Mâsi nana taponu muli pa Mose ne ngua tukuŋa ikura tu iveta kindâ tapâŋga mine, ande tia.

²⁹ Miki kalomi ngere sondo nŋa; tiambo Maro Kindeni nde Juda nŋu nâ nenzi Maro Nalae, tiya? Tiambo i nandai kinzi nŋu pinde nenzi Maro Nalae tona, tiya? Naŋa apaimi tu Maro Kindeni imo Maro Nalae panzi nŋu ndoni.

³⁰ Maro Kindeni taituni imo, aku i uru iveta vetâŋa kie taituni nâ panzi tamâta ndoni, kinzi Juda tamâta wa kinzi tamâta lâ tinikoa nŋu wa. Mine kala kindâ tamâta ea kalonda tawana Yesu Kirisi, ande Maro Kindeni iveta kindâ rârâni tapâŋga ilonda mbâra-mbâra lâ i nao.

³¹ Taitu nenda kalo-tawana nŋinde nandai iveta ngua-tukuŋa ipâŋga itogo kelekele kaa nâ. Kinda nenda kalo-tawana itula pwataki tu ngua-tukuŋa nde kelekele mao kanaŋo.

4

Abraham ne kalo-tawana nâ iveta i ipâŋga ilo mbâra-mbâra lâ Maro Kindeni nao

¹ Miki kalomi ngere nana maka Juda nŋu timbuma Abraham parina kâ.

² Ambo Abraham ne vetâŋa ara pinde siveta i ipâŋga ilo mbâra-mbâra lâ Maro Kindeni nao, ande i ma ikura tu ipasuka tamwata tini. Andeta

i nandai ipângga ilo mbâra-mbâra lâ nzâla ñinde nga. Mine kala ikura tu ipasuka tamwata tini lâ Maro Kindeni nao, ande tia.

³ Nana tu Maro Kindeni kawa ñgua ikeno lâ pepa tini mine tu, “Abraham kalo tawana Maro Kindeni, aku ne kalo-tawana ñinde iveta i ipângga ilo mbâra-mbâra lâ Maro Kindeni nao.”

⁴ Ambo tamâta tonje uru iveta wurâta ku ikai mbumbu ñana, ande kinda nandai taporo tu mbumbu ñinde nde wisi-ara ne kelekele nga. Njinde nde tamâta ñinde ne kulu ñana ne wurâta kâ.

⁵ Annga tamâta ea kalo tawana tu Maro Kindeni uru ivetanzi kiesaka tamwatanzi sipângga ilonzi mbâra-mbâra, kala isama tu i tamwata ne vetâña ara ma ivila i tia, ande tamâta ñinde ne kalo-tawana ñinde nâ iveta i ipângga ilo mbâra-mbâra.

⁶ Aku Daviti kala iporo ñgua kaña taituni mine. Iporo ñgua ñana ndekâña ñinde uru ipângga panzi tamâta ñinde Maro Kindeni ivetanzi sipângga ilonzi mbâra-mbâra, kinzi ñinde sisama tu nenzi vetâña ara ikura tu ivilanzi tia.

⁷ Daviti ne ñgua ikeno mine tu,
“ ‘Ambo Maro Kindeni ikai kiesaka piti lâ tamâta tonje tini ku izavaru i ne vetâña potomule rârâni piti, ande tamâta ñinde ikura tu indeka ñalae.

⁸ Ambo Maro Njalae ipatea tu i ma kalo ñgere kilo tia ñana tamâta tonje ne kiesaka kâ, ande tamâta ñinde ikura tu indeka ñalae.”

⁹ Tiambo miki ilomi tu ndekâña ñinde ma ipângga panzi tamâta pinde nâ, kinzi ñinde

munğa sikai karae-veņa ne mâsi kilala lâ tininzi, a? Mine tia. Ndekâņa ndainani nâ ma ipânğa panzi tamâta pinde tona, kinzi ninde nandai sikai karae-veņa ne mâsi kilala lâ tininzi. Munğa nâ naņa atula Maro Kindeni kawa nğua pwataki pami mine tu, “Abraham kalo tawana Maro Kindeni, aku ne kalo-tawana ninde iveta i ipânğa ilo mbâra-mbâra lâ Maro Kindeni nao.”

¹⁰ Ayo, miki kalomi nğere sondo nana Abraham nğa. Tiambo ikai karae-veņa ne mâsi kilala lâ tini munğa lâ, ninenğa ipânğa ilo mbâra-mbâra lâ Maro Kindeni nao, tiya? Naņa aporo tu lâ zo ninde i ikai karae-veņa ne mâsi kilala lâ tini tia yo, ande Maro Kindeni iveta i ipânğa ilo mbâra-mbâra.

¹¹ Lâ zo ninde i kalo tawana Maro Kindeni, aku ne kalo-tawana ninde iveta i ipânğa ilo mbâra-mbâra lâ Maro Kindeni nao. Aku imo lee ku muli, ninenğa ikai karae-veņa ne mâsi kilala lâ tini, aku mâsi ninde itula pwataki tu i ne kalo-tawana nâ iveta i ipânğa ilo mbâra-mbâra lâ. Mine kala tamâta ea kinzi nandai sikai karae-veņa ne mâsi kilala lâ tininzi, ambo nenzi kalo-tawana ivetanzi sipânğa ilonzi mbâra-mbâra lâ Maro Kindeni nao, ande kinzi tamâta ninde rârâni sipânğa sitogo Abraham ne vâsa mao mine.

¹² Aku Juda tamâta pinde kala simo Abraham ne vâsa mao tona. Andeta karae-veņa ne mâsi simbo nâ nandai ivetanzi sipânğa i ne vâsa mao nğa. Kinzi sio nenzi kalo-tawana ilâ pa Maro Kindeni, ikura Abraham munğa iveta mine, lâ zo ninde ikai karae-veņa ne mâsi kilala lâ tini tia

yo. Aku nenzi kalo-tawana ñinde tona ivetanzi sipânga Abraham ne vâsa mao.

Maro Kindeni ne ñgua pânga ikeno panzi kalo-tawana tamâta rârâni

¹³ Munğani, Maro Kindeni ipa ñgua kuku Abraham tavanzi i ne vâsa tu i ma tâno ndoni ilanzi. Tiambo Abraham munğa ipono muli pa ñgua tukuņa pinde, aku ñana duvi ñinde kâ Maro Kindeni iveta ñgua pânga ñinde kuku i, tiya? Mine tia. * Abraham kalo tawana Maro Kindeni nâ, aku ne kalo-tawana ñinde iveta i ipânga ilo mbâra-mbâra lâ Maro Kindeni nao. Aku ñana duvi ñinde kâ Maro Kindeni iveta ñgua pânga kuku Abraham.

¹⁴ Miki kalomi ñgere sonde ñga. Kinzi tamâta pinde uru sipono muli pa Mose ne ñgua tukuņa. Ambo Maro Kindeni ne ñgua pânga ikeno panzi tamâta ñinde simbonzi nâ, ande kinda nenda kalo-tawana ma ipânga kelekele kaa nâ, aku Maro Kindeni ne ñgua pânga ma kanaņo tia tona. Andeta tia.

¹⁵ Kinda tasama tu ñgua tukuņa ikeno. Mine kala Maro Kindeni ne wisi-nâna ilâ panzi tamâta ea sipu ñgua tukuņa ñinde ututu. Ambo ñgua tukuņa ikeno tia, ande tamâta tonĝe ma ikura tu ipu ñgua tukuņa ututu, ande tia.

¹⁶ Maro Kindeni iveta ñgua pânga kuku Abraham ñana duvi taitu ñine kâ; Abraham kalo tawana i. Mine kala Maro Kindeni ne wisi-wisi ikai nzâla piti panzi Abraham ne vâsa rârâni,

* **4:13** 13 Ñinde nde duvi mine: Abraham imo munğani lâ, aku muli ñga, lâ Mose ne zo, ñineņa Maro Kindeni itu ñgua tukuņa panzi Isrel ñgu.

ņana Maro Kindeni ma iveta kie ara panzi, ikura i ne ņgua pāņa mine. Kalo-tawana tamāta ea kinzi sipono muli pa ņgua tukuņa, ande kinzi ņinde simo Abraham ne vāsa. Andeta kinzi nā tia; kinda tamāta pinde kalonda tawana Maro Kindeni, itogo Abraham muņa kalo tawana mine, aku kinda kala tamo Abraham ne vāsa tona. Abraham imo kinda kalo-tawana tamāta rārāni timbunda,

¹⁷ ņana tu Maro Kindeni muņa iporo ņgua pa Abraham ikeno lâ pepa tini mine tu, “Naņa aveta noko kupāņa kinzi tamāta ņgu rārā timbunzi.” Lâ Maro Kindeni nao, Abraham imo itogo kinda rārāni timbunda. Abraham kalo tawana Maro Kindeni, ina kala via ilanzi mateņa tamāta wa iporo ņgua ku iveta kelekele muņa simo tia ņinde tu simā sipāņa wa.

¹⁸ Muņgani Maro Kindeni iporo ipa ņgua kuku Abraham mine tu, “Noko ne vāsa kinzi ma sipāņa kambwanęenzi ņalae ndo”. Lâ zo ņinde, Abraham izizāla ndo tu Maro Kindeni ma iveta ņgua pāņa ņinde ipāņa kanaņo māsī mana. Andeta i kalo tawana nā, aku imo io tini pa Maro Kindeni tu ma iveta ikura i ne ņgua pāņa ņinde. Mine kala Abraham ipāņa “kinzi tamāta ņgu rārā timbunzi”.

¹⁹ Lâ zo ņinde, Abraham ne mbwera ipāņa ikura mbwera tamāta ņalae taitu (100) mine, aku i karae nde mbarakuku lâ. Aku isama tu i kaiwa Sara ikura ņana ipagugua lālu kâ, ande tia. Taitu i ne kalo-tawana ikeno kaika ndo.

²⁰ I ne kalo-tawana imbe tia. Aku i ilo rua-rua ņana Maro Kindeni ne ņgua pāņa kâ, ande tia ndo. I ne kalo-tawana ipu tini kaika pa i ilo kalo,

ande kala imo ipanea Maro Kindeni ŋa isuka kâki.

²¹ I ne kalo-tawana ikeno kaika mine tu, “Mao nâ, Maro Kindeni ikura tu iveta vetâŋa ndia rârâni muŋga ipa ŋgua tu ma iveta.”

²² Mine nde Abraham ne kalo-tawana ŋinde iveta i “ipâŋga ilo mbâra-mbâra lâ Maro Kindeni nao.”

²³ Mao nâ, ŋgua ikeno mine tu, “i ne kalo-tawana iveta i ipâŋga ilo mbâra-mbâra”. Andeta ŋgua ŋinde ŋandai iyoke Abraham simbo nâ ŋga.

²⁴ Ŋgua ŋinde iyoke kinda tona, kinda tamâta ŋine kalonda tawana Maro Kindeni, inani muŋga ipaŋo nenda Maro Ŋalae lâ mateŋa nianzi imo via kilo. Kinda nenda kalo-tawana ŋinde iveta kinda tapâŋga ilonda mbâra-mbâra lâ Maro Kindeni nao.

²⁵ Kinda taveta kiesaka, aku ŋana duvi ŋinde kâ Maro Kindeni isâu panzi kazâŋa tamâta tu ma sipu Yesu pâta imâte kâ. Andeta Maro Kindeni ilo tu kinda ma tamo ilonda mbâra-mbâra. Mine kala ipaŋo Yesu lâ mateŋa nianzi imo via kilo.

5

Kinda tapâŋga ilonda mbâra-mbâra lâ Maro Kindeni nao

¹ Ayo, ŋana kinda nenda kalo tawana kâ, ande Maro Kindeni iveta kinda tapâŋga ilonda mbâra-mbâra lâ i nao marumbu lâ. Mine kala nenda Maro Ŋalae Yesu Kiriŋi ilele Maro Kindeni ne wisi-nâna kala iveta kinda tamo ilonda kalonda taitu kuku i.

² Kinda nenda kalo-tawana ikeno pa Kiriſi. Mine kala ikai nzâla piti pa kinda tu Maro Kindeni ne wisi-wisi ma imâ pa kinda. Kala zo ñine ne wisi-wisi ñinde uru imo kuku kinda. Aku kinda uru tao tininda pa Maro Kindeni tu ma ikai kinda talâ tamo ara ndo kuku i lâ samba ilo. Aku ñinde iveta kinda tandeka nâ.

³ Andeta kinda tandeka ñana ñinde nâ, ande tia. Kinda tandeka ñana malia kie-kie uru ipânga pa kinda tona, ñana tu kinda tasama tu malia ñinde ipu tini kaika pa ilonda kalonda ñana tamandi kaika kâ.

⁴ Ambo kinda tamandi kaika mine, ande kinda takura tu tatiŋgi samâña kie-kie ipânga pa kinda ñinde piti. Ambo kinda tatiŋgi samâña ñinde piti mine, ande takura tu tao tininda pa Maro Kindeni tu ma iveta kie ara pa kinda.

⁵ Ambo kinda tao tininda mine pa Maro Kindeni, ande ma taveta mine koa tia nâ, ande tia ndo. Ñana tu Maro Kindeni muŋgani io Koroani Sapâña imâ pa kinda itogo wisi-ara mwasina, aku Koroani Sapâña imaliŋi Maro Kindeni ne tini-mwasa ipipi lâ ilonda kalonda.

⁶ Nia ndoyo, kinda tapu mulinda pa Maro Kindeni. Lâ zo ñinde, kinda takura ñana tapavila warakânda kâ, ande tia ndo. Andeta Maro Kindeni ipatea zo tonje pa Kiriſi tu ma imâte ñana ivila kinda kâ. Kinda tamo mine lee zo ipânga lâ, aku Kiriſi imâte ikura Maro Kindeni ne pateâña mine.

⁷ Mao kanaño, kinda tamâta ma tininda pwâka ndo ñana tamâte ñana tavila tamâta tonje uru iyoka ngua tukuña rârâni muli. Andeta zo pinde

nâ, ambo tamâta tonje uru kalo sukâña nâ ñananzi i tini pinde, ande kinda pinde ma tapu tini kaika pa warakânda ilonda kalonda tâ ku ma tamâte ñana tavila tamâta ñinde tâ.

⁸ Andeta kalomi ñgere sondo ñga; nia ndoyo, lâ zo ñinde kinda tapaveta kuku kiesaka ne vetâña yo, ande pa zoni ndaina Kirisi imâte ñana ivila kinda kê. Aku i ne vetâña ñinde itula pwataki tu i ilo ndo ikeno pa kinda.

⁹ Kirisi imâte ñana iveta kinda kiesaka tamwatânda tapânga ilonda mbâra-mbâra ndo lâ Maro Kindeni nao, ande kala zo ñine tamo mine. Mine nde kinda tasama sondo tu i ma ikea ñana kinda kê, lâ zo muli ñinde Maro Kindeni ne wisi-nâna ma ilâ panzi tamâta lâ i ne ñgua nia.

¹⁰ Muñga kinda tamo Maro Kindeni ne kazâña tamâta, andeta i Natu imâte ñana iveta kinda tapânga ilonda kalonda taitu kuku Maro Kindeni. Kala ñine Maro Kindeni Natu imo via, ma imo mine ku imo nâ, aku kinda tamo ilonda kalonda taitu kuku Maro Kindeni. Mine kala kinda tasama sondo tu Yesu Kirisi Via Tamwata ma ikea ñana kinda kê lâ zo muli ñinde.

¹¹ Aku kinda tandekana Maro Kindeni tona, ñana tu nenda Maro Ñalae Yesu Kirisi iveta kinda tapânga ilonda kalonda taitu kuku i marumbu lâ.

Adam ikai nzâla piti ñana mateña kê, anga Yesu nde ikai nzâla piti ñana via kê

¹² Kinda tasama tu nia ndoyo, tamâta taitu nâ iveta kiesaka, aku ñana i ne vetâña ñinde kê kiesaka ipânga tâno kulu. Aku kiesaka ikai mateña imâ ipânga tava. Mine kala mateña isala

nia ilâ ikainzi tamâta rârâni, nana tu tamâta rârâni uru siveta kiesaka.

¹³ Singani, lâ zo ninde ngua tukuŋa nandai imâ ipânŋa lâ nga, ande kiesaka ikeno tâno kulu muŋgani lâ. Andeta kaloŋo nga; ambo ngua tukuŋa ikeno tia, ande Maro Kindeni ma kalo ngere nana kinda tamâta nenda kiesaka taitu-taitu kâ, ande ma tia.

¹⁴ Andeta nia ndoyo, lâ Adam ne zo ninde, aku imâ lee ipânŋa lâ Mose ne zo, ande mateŋa ikai poe kaika panzi tamâta rârâni. Kinzi tamâta pinde nandai siveta kiesaka itogo Adam muŋga iveta mine, lâ zo ninde ilaŋa ipole Maro Kindeni ne ngua tukuŋa. Andeta mateŋa ikai poe kaika panzi tamâta ninde tona. Adam nde itula tamâta nana ipânŋa muli kâ ninde kilala pwataki.

¹⁵ Andeta Adam ne kiesaka nga Maro Kindeni ne wisi-ara nde kie taituni, ande tia ndo. Mao nâ, nana tamâta taitu nâ ne kiesaka kâ, ande tamâta rârâni simâte. Taitu Maro Kindeni ne wisi-wisi ŋalae ninde ipole kiesaka ne walo ndoni, aku wisi-wisi ninde ipânŋa ŋalae tina pa kinda tamâta. Nana Yesu Kirisi simbo nâ ne wisi-wisi kâ, Maro Kindeni iveta kinda tapânŋa ilonda mbâra-mbâra. Aku vetâŋa ninde itogo wisi-ara ilua kinda mwasina.

¹⁶ Aku mine nâ, Maro Kindeni ne wisi-ara nandai iveta vetâŋa kie taituni pa kinda ikura tamâta taitu ninde ne kiesaka ninde iveta pa kinda nga. Nana tamâta taitu ninde ne kiesaka taitu kâ, ande Maro Kindeni ionzi tamâta rârâni lâ ngua nia ku ipa ngua lâ nana izavarunzi kâ. Andeta Maro Kindeni ne wisi-ara nde ŋalae tina, nana tu kinda tamâta rârâni uru taveta kiesaka

rârâ ñinde, andeta Maro Kindeni io ne wisi-wisi imâ pa kinda ku iveta kinda tapânga ilonda mbâra-mbâra lâ i nao. Kinda nenda ara tonje keno ñana i ma iveta mine pa kinda, ande tia ndo.

¹⁷ Mao nâ, tamâta taitu ñinde ne kiesaka ikai nzâla piti pa mateja tu ma imâ ipânga, kala mateja imo itogo koipu ñalae ñana itawanzi tamâta rârâni ndue kâ. Andeta kalomi ñgere sondo ñga; ñana tamâta taitu nâ ne vetâja ara kâ, ina Yesu Kirisi, ande tamâta rârâ ñinde ma muli simo vianzi nâ. Naña aporo ñananzi tamâta ñinde Maro Kindeni io ne wisi-wisi imâ ñalae panzi, kala ivetanzi sipânga ilonzi mbâra-mbâra lâ. Maro Kindeni ne vetâja ñinde nde itogo wisi-ara ilua kinda mwasina.

¹⁸ Mine kala kinda tasama tu tamâta taitu muña ilaña ipole ñgua tukuña, aku ñana i ne kiesaka ñinde kâ Maro Kindeni io kinda tamâta rârâni talâ pa ñgua nia. Aku mine nâ, tamâta taitu iveta vetâja sondo ndo, aku ñana vetâja ñinde kâ Maro Kindeni iveta kinda kalo-tawana tamâta rârâni tapânga ilonda mbâra-mbâra lâ, kala tamo viânda nâ.

¹⁹ Muña tamâta taitu nâ iveta taña-kaika pa Maro Kindeni, aku ñana i ne vetâja ñinde kâ kinzi tamâta sipânga kiesaka tamwatanzi. Aku mine nâ, tamâta taitu nâ ipono muli pa Maro Kindeni kawa ñgua, aku ñana i ne vetâja ñinde kâ Maro Kindeni ivetanzi tamâta sipânga ilonzi mbâra-mbâra lâ i nao.

²⁰ Maro Kindeni nanayoni io ñgua tukuña imâ panzi tamâta ñana duvi ñine kâ; isama tu ñgua

tukuŋa ma iveta vetâŋa potomule ipâŋga ŋalae. Aku mao nâ, lâ zo ŋinde kiesaka ipâŋga ŋalae tina. Andeta Maro Kindeni io ne wisi-wisi ŋalae ndo imâ pa kinda.

²¹ Mine kala kinda tasama tu kiesaka ne walo kaika ikai mateŋa imâ pa kinda tamâta rârâni. Aku mine nâ, Maro Kindeni ne wisi-wisi ipâŋga ŋalae ndo ku iveta kinda tapâŋga ilonda mbârambâra lâ. Nana Maro Kindeni ne wisi-wisi ŋinde kê, ande nenda Maro Ŋalae Yesu Kirisi ikai nzâla piti pa via mao kê, kala kinda takura tu tamo viânda, ma tamo mine ku tamo nâ.

6

Kinda tamâte kuku Kirisi lâ

¹ Ayo, kala ŋine ma taporo ŋgua mana. Tamâta pinde uru siporo tu, “Ara ŋana kinda ma taveta kiesaka rârâ, ŋana tu ŋinde ma iveta Maro Kindeni ne wisi-wisi imâ ŋalae tina pa kinda”.

² Andeta kinda ma taporo ŋgua kaŋa mine tia ndo! Kinda tamo tininda piti ndo ŋana kiesaka kê, tatogonzi mateŋa tamâta mine. Mine nde ŋana sâ kê ŋga kinda ma tapaveta kaika kuku kiesaka ne vetâŋa kilo, a?

³ Nanenŋu ŋgua ŋine nde duvi mine; kinda tapaipa kuku Yesu Kirisi ku takai lâ-liliŋa lâ, kala tapaipa kuku Yesu ne mateŋa tona. Tiambo miki kazizâla ŋana ŋinde kê, a?

⁴ Muŋgani, lâ zo ŋinde kinda takai lâ-liliŋa, ande lâ zoni ndaina kinda tapaipa lâ taitu kuku Kirisi ne mateŋa. Ŋinde itogo Maro Kindeni ikea kinda lâ mateŋa nianzi kuku Kirisi. Andeta

kinda Tamânda ikai tamwata ne walo kaika ku ipaŋo Kirisi lâ mateŋa nianzi imandi imo via kilo. Mine nde kinda kala takai via wasaseki mine nâ.

Kinda ma tamo viânda nâ kuku Kirisi

⁵ Mao nâ, kinda tapaipa kuku Kirisi lâ, aku tapaipa kuku i ne mateŋa ŋinde tona. Mine kala lâ zo ŋana Maro Kindeni ma ipaŋo kinda tamandi tamo viânda kilo, itogo muŋga ipaŋo Kirisi imandi imo via kilo mine, ande kinda ma tapaipa kuku Kirisi mine nâ.

⁶ Kinda tasama tu nenda ilo-kalo siŋga nde imâte kuku Kirisi lâ kâi popole tini. Vetâŋa ŋinde nde duvi mine; kiesaka nde ipipi lâ nenda ilo-kalo siŋga, aku Maro Kindeni ilo tu ma izavaru kiesaka ŋinde ne walo kaika ndo lâ. Mine nde kiesaka ma ikai poe kaika pa kinda kilo, ande tia.

⁷ Ŋana tu ambo tamâta tonŋe imâte, ande kiesaka ikura tu ikai poe kaika papa i kilo, ande tia.

⁸ Mao nâ, kinda tamâte kuku Kirisi lâ. Mine kala kalonda tawana tu muli ŋga kinda ma tamo viânda nâ kuku i.

⁹ Kinda tasama tu Maro Kindeni ipaŋo Kirisi lâ mateŋa nianzi imandi imo via kilo. Mine nde i ma imâte kilo tia. Mateŋa ne walo ikura ŋana itawa i kilo kâ, ande tia ndo.

¹⁰ Imâte mbwani taitu nâ, aku ne mateŋa ŋinde iyaula kiesaka ne walo kaika ndo lâ. Kala ŋine ikai via mao lâ, aku imo via nâ kuku Maro Kindeni.

¹¹ Ara ŋana nemi kalo-tawana ma ikeno mine; miki kamâte kuku Yesu Kirisi lâ. Mine nde

kiesaka ne wâlo ikura tu ikaimi kaika kilo, ande tia. Aku miki kapaipa kuku Yesu Kirisi lâ. Mine nde miki kamo viami nâ kuku Maro Kindeni.

¹² Mine kala miki ma kasâu pa kiesaka tu ikai poe kilo pa ilomi kalomi ndimo. Tia ma kiesaka ilele naomi, aku miki ma kaponu muli pa karaenda ne ilo-kalo sakamao.

¹³ Miki ma kao kemi-mbaumi pinde silâ simo kiesaka kalo ŋana siveta vetâŋa potomule kê, mine ndimo. Miki kamo katogonzi mateŋa tamâta ŋinde Maro Kindeni ipaŋonzi simandi simo vianzi kilo. Mine nde ara ŋana miki ma kao warakami karaemi ilâ pa Maro Kindeni itogo patarawâŋa mwasina. Aku ara ŋana miki ma kao kemi-mbaumi ndoni silâ simo i kalo ŋana siveta vetâŋa ara kê.

¹⁴ Kala zo ŋine miki ŋandai kamo ŋgua tukuŋa kalo ŋga. Miki kamo Maro Kindeni ne wisi-wisi kalo nâ. Mine nde miki ma kasâu pa kiesaka tu ikai poe pami ndimo.

Kinda tamo vetâŋa ara ne wurâta tamâta

¹⁵ Kinda ŋandai tamo ŋgua tukuŋa kalo ŋga. Kinda tamo Maro Kindeni ne wisi-wisi kalo. Mine nde kinda ma taveta mana. Tiambo kinda ma taveta kiesaka, a? Tia ndo kanaŋo!

¹⁶ Ambo tamâta tonje ma io i tamwata imo tamâta ŋalae tonje kalo ŋana ipono muli pa i kawa ŋgua kê, ande i ma imo tamâta ŋalae ŋinde ne wurâta tamâta. Tiambo miki kazizâla ŋana ŋinde kê, a? Tamâta pinde ilonzi pateu tu ma simo kiesaka ne wurâta tamâta, aku nenzi pateâŋa ŋinde ionzi silâ pa yââ ŋalae ne mbââ. Anja kinda tamâta pinde ilonda pateu tu ma

tapono muli pa Maro Kindeni kawa ngua, aku nenda pateânga njinde iveta kinda tapânga ilonda mbâra-mbâra lâ i nao.

¹⁷ Mao nâ, singani miki kamo kiesaka ne wurâta tamâta. Andeta muli nga miki kapanâna sondo nana Maro Kindeni ne ngua mao kâ, aku kapono muli sondo ndo pa ngua njinde. Mine nde ara nana kinda ma kawânda ndanje pa Maro Kindeni!

¹⁸ Munjani kiesaka ipa miki kaika lâ, kala miki kamo sakamao ndo. Andeta Maro Kindeni ipalalana kiesaka ne wâlo piti lâ tinimi, aku ive-tami kapânga i ne wurâta tamâta nana kaveta vetânga ara kâ.

¹⁹ Miki nemi ilo-kalo njandai ipânga njalae nga, andeta miki kasama sondo lâ nana wurâta tamâta nenzi mâsi. Mine nde nana asia ngua njine lâ wurâta tamâta tininzi. Munja miki kasâu pa vetânga sakamao tu ikai poe pa karaemi ndoni. Mine nde miki kamo vetânga potomule ne wurâta tamâta, aku kapaveta kuku vetânga potomule wa vetânga muso wa. Andeta kala njine ara nana miki ma kasâu pa vetânga ara tu ikai poe pa karaemi ndoni. Ambo miki ma kaveta mine, ande miki ma kamo Maro Kindeni ne wurâta tamâta nana kaveta vetânga ara kâ, aku ma kapânga Maro Kindeni tamwata ne tamâta sapânga.

²⁰ Munja, lâ zo njinde miki kamo kiesaka ne wurâta tamâta, ande miki ilomi pa vetânga ara, ande tia.

²¹ Lâ zo njinde miki uru kaveta vetânga potomule. Tiambo vetânga rârâni njinde uru ivilami,

tiya? Tia ndo. Kala ñine miki maimi ñana vetâñani ndaina, aku kasama tu vetâña kie mine ionzi tamâta silâ pa mateña nâ.

²² Andeta Maro Kindeni ipalalana kiesaka ne wâlo piti lâ tinimi marumbu lâ, kala ñine miki kapâñga i tamwata ne wurâta tamâta. Aku ñinde ivila miki mao kanaño, ñana tu i ivetami kapâñga kamo sapâña, aku miki kapaveta kuku vetâña rârâni i tamwata ilo papa ñinde. Mine kala miki kakai via mao, ma kamo ara mine ku kamo nâ.

²³ Kiesaka uru kulu ilanzi i ne wurâta tamâta, aku kulu ñinde nde mateña. Anğa Maro Kindeni uru wisi-ara ilua kinda, ne kulu tia. Wisi-ara ñinde nde via mao ñana tamo viânda ku tamo nâ. Kinda tapaipa kuku nenda Maro Njalae Yesu Kirişi lâ. Mine nde kinda takura tu takai via mao ñinde.

7

Kala ñine ilo-kalo wasaseki uru ikai poe pa kinda

¹ Niñgu-nambwe wukale, naporu ñgua ñine ilâ pa miki tamâta ñinde muñga kapanâna sondo ndo ñana ñgua tukuña kâ. Miki kasama tu zo ñana tamâta tonje imo via yo, ande ñgua tukuña uru ikai poe papa i. Anğa zo ñana i ma imâte, ande i imo ñgua tukuña kalo kilo, ande tia.

² Naña ma asia ñgua lâ pakâeña ne mâsi tini ñana aveta ñine ipâñga nia yo. Ambo taine tonje ikâe lâ, aku i kaiwa tamâne imo via yo, ande ñgua tukuña ipa i lâ taitu kuku kaiwa

tamâne. Ambo taine ñinde kaiwa tamâne ma imâte, ande i imo pakâeña ne ñgua tukuña ñinde kalo, ande tia.

³ Ambo taine ñinde kaiwa tamâne imo via yo, andeta taine ñinde ilâ ikeno kuku tamâne tonje, ande kinzi ma siporo tu i nde taine ñana itambira tini potomule kâ. Ambo i kaiwa tamâne imâte lâ, ande i imo pakâeña ne ñgua tukuña ñinde kalo tia. Mine kala, ambo taine ñinde itu ikai tamâne wasaseki tonje, ande i ma imo itogo taine ñana itambira tini potomule kâ, ande tia.

⁴ Niñgu-nambwe wukale, miki kala kamo mine nâ. Muñgani miki kapasipa lâ taitu kuku Kirisi, aku ñinde itogo miki kamâte kuku i. Mine nde miki ñandai kamo ñgua tukuña kalo ñga. Kala ñine miki kamo tamâta tonje ne tamâta, tamâtani ndaina Maro Kindeni muñga ipaño lâ mateña nianzi imandi imo via kilo. Maro Kindeni iveta mine ñana ivila kindu tu taveta vetâña ara, ikura ipatea pa kindu mine.

⁵ Nanayoni, lâ zo ñinde kindu taponu muli yo pa ilo-kalo siñga ne vetâña, ande ñgua-tukuña iveta ilo-kalo sakamao ñinde ipâñga nia yo, kala taveta kiesaka. Aku ilo-kalo siñga ñinde io kindu lâ nzâla ñinde ilâ pa mateña kâ.

⁶ Lâ zo ñinde, Mose ne ñgua tukuña imo itogo wâlo ñana ipa kindu kaika kâ. Andeta muli ñga kindu tapasipa kuku Kirisi ne mateña. Mine kala zo ñine kindu tamo ñgua tukuña kalo, ande tia. Muñgani yo, ande kindu uru tapaveta kuku vetâña ndia rârâni kinzi muñga siñgere lâ ñgua tukuña ne pepa tini ikeno. Andeta kala ñine kindu tapaveta kuku vetâña wasaseki ndia

rârâni Koroani Sapâña itula pa kinda. Mine nde kinda taveta wurâta sondo nâ pa Maro Kindeni.

Kiesaka iyaula kinda lâ

⁷ Mao nâ, muŋga ŋgua tukuŋa iveta ilo-kalo sakamao ŋinde ipâŋga nia yo, kala kinda taveta kiesaka. Mine nde kinda ma taporo mana. Tiambo kinda ma taporo tu, “Ŋgua tukuŋa nde kelekele sakamao ndo, itogo kiesaka mine”, a? Kinda ma taporo ŋgua kaŋa mine tia ndo! Miki kalomi ŋgere sondo ŋga; ambo ŋgua tukuŋa ŋandai itula vetâña pinde kilala pwataki tu vetâña ŋinde nde kiesaka, ande naŋa ma azizâla tu vetâña ndia nde ara aŋga vetâña ndia nde sakamao. Ŋgua tukuŋa tonŋe ikeno mine tu, “Noko ma ilo yosi pa noko tini pinde nenzi kelekele ndimo.” Ambo ŋgua tukuŋa ŋinde ikeno tia, ande naŋa ma azizâla tu ilo-yosiŋa ne mâsi nde kiesaka.

⁸ Andeta kiesaka iyoka ŋgua tukuŋa ne nzâla imâ ku igagati ilonŋu kalonŋu ŋana ilonŋu yosi pa kelekele kie-kie. Miki kalonŋo ŋga; ambo ŋgua tukuŋa ikeno tia, ande kiesaka ne walo ma ikeno ŋana iveta sâ tonŋe tia.

⁹ Muŋgani, lâ zo ŋinde naŋa asama Maro Kindeni ne ŋgua tukuŋa tia yo yo, ande naŋa atu naŋa amo viâŋgu. Andeta muli ŋga apanâna ŋana Maro Kindeni ne ŋgua tukuŋa kê, aku kiesaka ne walo ipâŋga ŋalae tina,

¹⁰ kala naŋa apâŋga lâ nzâla ŋinde ilâ pa mateŋa kê. Nia ndoyo Maro Kindeni ipatea tu ŋgua tukuŋa ma via ilanzi tamâta. Andeta naŋa

ɳandai akai via lâ ɳgua tukuɳa tini ɳga. ɳgua tukuɳa io naɳa lâ nzâla ɳinde ilâ pa mateɳa kâ,

¹¹ ɳana tu kiesaka iyoka ɳgua tukuɳa ne nzâla imâ ku ilaɳe naɳa. Mine kala kiesaka iveta ɳgua tukuɳa ipâɳga kelekele ɳana ikai naɳa alâ pa mateɳa kâ.

¹² Ayo, kinda ma taporo ɳgua kaɳa mana ɳana ɳgua tukuɳa kâ. Maro Kindeni tamwata io ɳgua tukuɳa imâ pa kinda. Mine nde kinda tasama tu i ne ɳgua tukuɳa râràni nde sapâɳa, aku ne ɳgua tukuɳa râràni uru ivila kinda sondo ndo ɳana itula vetâɳa ara kilala pwataki pa kinda.

¹³ Mana mana, a? Tiambo kelekele ara ɳinde io naɳa lâ nzâla ɳinde ilâ pa mateɳa kâ, a? Tia ndo kanaɳo! Kiesaka nâ iveta mine pa naɳa. Kiesaka muɳga ipasipa lâ taitu kuku ɳgua tukuɳa ara ɳinde, kala io naɳa lâ nzâla ɳinde ilâ pa mateɳa kâ. Maro Kindeni isâu pa kiesaka tu ma iveta vetâɳa kie mine, ɳana tu i ilo tu kiesaka kilala ma ipâɳga nia yo. Mine kala Maro Kindeni ne ɳgua tukuɳa ɳinde itula kiesaka kilala pwataki tu ɳinde nde kelekele sakamao ndo.

Kiesaka itu ikai poe pa nenda via

¹⁴ Kinda tasama tu Maro Kindeni tamwata io ɳgua tukuɳa imâ pa kinda. Andeta naɳa nde tamâta nâ, kala uru amo tava ilo-kalo siɳga. Mine nde naɳa amo atogo kiesaka ne wurâta tamâta kaa nâ.

¹⁵ Naɳa atu asama mine; ɳana sâ kâ ɳga naɳa uru aveta vetâɳa pinde. Andeta ɳinde duvi naɳa asama tia. Vetâɳa ndia naɳa ilonɳu tu aveta, ande aveta vetâɳa ɳinde tia. Aɳga vetâɳa ndia

tingu pwâka ndo tu aveta, ande naña aveta vetâñani ndaina.

¹⁶ Naña warakângu tingu pwâka ñana aveta vetâña sakamao pinde, andeta zo katije naña aveta vetâñani ndaina, aku kalongu loko ñana. Aku ñinde itula pwataki tu naña amora Maro Kindeni ne ñgua tukuña tu kelekele ara nâ.

¹⁷ Mine kala naña warakângu nâ aveta vetâña sakamao ñinde, ande tia. Kiesaka imo ilongu kalongu, aku kiesaka ñinde nâ iveta vetâña sakamao ñinde.

¹⁸ Naña nde tamâta nâ, aku asama tu nanengu ilo-kalo siŋga ikura tu igatina ñana aveta vetâña ara tonje, ande tia. Mao nâ, naña ilongu tu aveta vetâña ara, andeta akura tu aveta mine tia.

¹⁹ Vetâña ara ndia naña ilongu tu aveta, ande ñinde aveta tia. Aŋga vetâña potomule ndia tingu pwâka tu aveta, ande ñinde naña aveta.

²⁰ Naña tingu pwâka tu aveta vetâña sakamao pinde, andeta uru aveta vetâñani ndaina. Aku ñinde itula pwataki tu naña warakângu nâ aveta vetâña sakamao ñinde, ande tia. Kiesaka imo ilongu kalongu, aku kiesaka ñinde nâ iveta vetâña sakamao ñinde.

²¹ Mine kala naña asama tu vetâña kie mine uru ipâŋga pana; lâ zo ndia naña atu aveta vetâña ara pinde, ande vetâña sakamao uru isae nzâla pana, kala akura tu aveta vetâña sakamao nâ.

²² Mao nâ, naña ilongu ndo tu apono muli pa Maro Kindeni ne ñgua tukuña.

²³ Andeta naña asama tu ñgua tukuña kie

tonge ikeno ilonngu kalonngu, aku ngua tukuņa nņinde uru ipara kuku Maro Kindeni ne ngua tukuņa nņinde naņa ilonngu papa. Nņinde nde kiesaka ne ngua tukuņa, aku nņinde uru ipa naņa kaika wa ikai poe pa ilonngu kalonngu wa.

²⁴ Opopo, malia nņine uru iyaula naņa ilonngu kalonngu ndo lâ! Ea ma ivilana ku izavaru kiesaka ne kaika nņinde piti lâ karaenngu nņine imo mateņa kalo, a?

²⁵ Naņa kawânngu ndanņe nņalae ilâ pa Maro Kindeni! Kinda nenda Maro Nņalae Yesu Kirisi ma ikai Maro Kindeni ne pavilânņa imâ pa naņa.

Mine kala naņa uru amo mine; naņa warakânngu nenngu ilo-kalo pinde itu imo Maro Kindeni ne ngua tukuņa kalo. Anņa nanenngu ilo-kalo sinņa nde imo kiesaka ne ngua tukuņa kalo.

8

Kirisi izavaru nenda kiesaka piti lâ, aku io Koroani Sapânņa imâ pa kinda

¹ Mine nde kinda tamâta ea tapaipa kuku Yesu Kirisi lâ, ande Maro Kindeni ne pareņa-nia ma imâ pa kinda nņana nenda kiesaka kâ, ande tia ndo.

² Nņana tu Koroani Nņana Via kâ ne ngua tukuņa iveta kinda tapaipa lâ taitu kuku Yesu Kirisi, aku i ne ngua tukuņa nņinde ikai kinda piti lâ kiesaka kuku mateņa rua nenzi ngua tukuņa munņgânņa nņinde ne nimbu ilo.

³ Kinda nenda ilo-kalo sinņa ne walo ikeno nņana isuka kinda tu taponu muli sondu pa ngua tukuņa kâ, ande tia. Mine kala Mose ne ngua

tukuŋa ikura tu izavaru kiesaka piti lâ tininda, ande tia. Nguwa tukuŋa ikura tu izavaru kiesaka ne walo kê, ande tia. Taitu Maro Kindeni tamwata ikura ndo. Isupwa i tamwata Natu imâ ipânga tamâta, itogo kinda kiesaka tamwatânda mine. I imâ ŋana izavaru nenda kiesaka piti kê, aku lâ kê popole tini Maro Kindeni ipare nia pa i Natu ŋana kinda tamâta nenda kiesaka kê. Aku lâ zoni ndaina Maro Kindeni ipu kiesaka ne walo ndue ndo lâ.

⁴ Maro Kindeni iveta mine ŋana ivila kinda tu tapaveta sondu kuku vetâŋa arara rârâni ŋinde ŋgua tukuŋa iporo kaika tu ma taveta. Kinda tapile mâsi ŋana tapaveta kuku ilo-kalo ŋinga ne vetâŋa kê, aku tapaveta kuku vetâŋa rârâni Koroani Sapâŋa itula pa kinda.

⁵ Tamâta ea kinzi uru siveta ikura ilo-kalo ŋinga itula panzi mine, ande ilo-kalo kaa nâ ŋinde ikai poe pa tamâta ŋinde ilonzi kalonzi ndoni. Anŋa kinda tamâta ea uru taveta ikura Koroani Sapâŋa itula mine, ande Koroani Sapâŋa ikai poe pa kinda ŋine ilonda kalonda ndoni.

⁶ Tamâta ea ilo-kalo ŋinga ikai poe papa ne ilo-kalo, ande tamâta ŋinde ma imâte. Anŋa tamâta ea Koroani Sapâŋa ikai poe papa ne ilo-kalo, ande tamâta ŋinde ma ikai via mao, ku ma imo tava wisi pisi nâ.

⁷ Ambo ilo-kalo ŋinga ikai poe pa tamâta tonŋe ne ilo-kalo, ande tamâta ŋinde imo Maro Kindeni ne kazâŋa tamâta, ŋana tu i ŋandai imo Maro Kindeni ne ŋgua tukuŋa kalo ŋga. Mao nâ, tamâta ŋinde ikura tu ipono muli pa Maro

Kindeni ne ŋgua tukuŋa, ande tia ndo.

⁸ Tamâta ea kinzi uru siveta ikura ilo-kalo siŋga itula panzi mine, ande kinzi ŋinde sikura tu siveta vetâŋa ndia Maro Kindeni ilo papa, ande tia.

⁹ Andeta miki ŋandai kapaveta kuku ilo-kalo siŋga ne vetâŋa ŋga. Ambo Maro Kindeni ne Koroani Sapâŋa imo mao lâ miki ilomi, ande Koroani Sapâŋa nâ ikai poe pa nemi vetâŋa. Aŋga tamâta ea kinzi Kirisi ne Koroani Sapâŋa imo ilonzi tia, ande kinzi tamâta ŋinde ŋandai Kirisi ne tamâta ŋga.

¹⁰ Kiesaka ipu miki karaemi pâta lâ. Mine nde muli mateŋa ma imâ pa miki rârâni taitu-taitu. Andeta kalomi ŋgere sondu ŋga; ambo Kirisi imo ilomi, ande miki kapâŋga ilomi mbâra-mbâra lâ Maro Kindeni nao marumbu lâ, aku Koroani Sapâŋa via mao ilami lâ.

¹¹ Muŋgani Maro Kindeni ipaŋo Yesu Kirisi lâ mateŋa nianzi imandi imo via kilo. Ambo Maro Kindeni ne Koroani Sapâŋa imo miki ilomi, ŋineŋga lâ zo ndia mateŋa ma imâ ipâŋga pami, ande Maro Kindeni ne Koroani Sapâŋa ndainani nâ ma io via mao lâ miki karaemi tona.

Koroani Sapâŋa iveta kindi tapâŋga Maro Kindeni natu wukale

¹² Mine kala niŋgu-nambwe wukale, nenda wurâta ikeno ŋana tapaveta kuku ilo-kalo taitu nâ ne vetâŋa. Andeta naŋa ŋandai aporo tu kindi ma tapaveta kuku ilo-kalo siŋga ne vetâŋa ŋga.

¹³ Ambo miki ma kapaveta kuku ilo-kalo siŋga ne vetâŋa, ande miki ma kamâte. Taitu kaloŋo

nga; Koroani Sapâña ne walo kaika ikura tu ivilami nana kapu mulimi ndo pa karaenda ne vetâña potomule. Ambo miki ma kakai i ne walo kaika ninde, ande miki ma kamo viami nâ.

¹⁴ Nana tu kinda tamâta ea tasâu pa Maro Kindeni ne Koroani Sapâña tu ikai poe pa ilonda kalonda, ande kinda nîne rârâni tamo Maro Kindeni natu wukale.

¹⁵ Maro Kindeni ne Koroani Sapâña ninde ilua miki lâ, aku Koroani ninde nandai iveta rurunja ikai poe kaika pami kilo nga. Tia ndo kanao. Maro Kindeni ne Koroani Sapâña ninde ivetami kapângga Maro Kindeni natu wukale. Aku i walo kaika ilua kinda tona. Mine kala kinda takura tu tasarâwa pa Maro Kindeni mine tu, “Mama! Naja mama!”

¹⁶ Koroani Sapâña i tamwata ipasipa lâ taitu kuku koranânda, aku igogo kawa kuku kawânda ku itula pwataki tu kinda tamo Maro Kindeni natu wukale.

¹⁷ Mao nâ, kinda tamo Maro Kindeni natu wukale. Mine nde muli nga Tamânda Maro Kindeni ma iveta vetâña arara pa kinda, ikura munja ipa ngua tu ma iveta panzi ne tamâta. Munjani iveta vetâña arara ndainani nâ pa tuânda Yesu Kirisi. Ambo lâ zo nîne kinda ma takai nâna itogo Kirisi munja ikai mine, ande muli kinda ma tamo ara ndo, itogo i uru imo mine.

Muli nga kinda ma tamo ara ndo lâ samba lawea

¹⁸ Lâ zo nîne kinda uru takai nâna. Andeta naja asama tu muli nga kinda ma tandeka njalae

ņana tamo ara ndo kuku Maro Kindeni, aku ndekāņa ņinde ma ipole nāna ņine ndo lâ.

¹⁹ Ņana tu kelekele rārāni Maro Kindeni muņa ipulianzi sipāņa lâ, ande kelekele ņinde rārāni uru sio tininzi pa Maro Kindeni ne zo ņana itula kinda kilalānda pwataki tu kinda tamo i natu wukale. Kelekele rārāni ņinde ilonzi ndo tu Maro Kindeni ma iveta mine walele nā.

²⁰ Ņana tu lâ zo ņine kelekele ņinde rārāni uru simo kaa nā, aku uru sipayaula nā. Andeta kinzi warakanzi ņandai ilonzi tu ma simo mine ņa. Maro Kindeni tamwata ipatea tu ma simo mine. Andeta i tamwata kala io tini ņana zo muli ņinde kâ.

²¹ Muli ņa, lâ zo ndia Maro Kindeni muņa ipatea lâ, ande i ma ipalalana zavaruņa ne wālo kaika piti lâ kelekele rārāni tininzi marumbu lâ, aku kelekele rārāni ma sipāņa simo ara ndo kuku Maro Kindeni natu wukale kinda.

²² Kinda tasama tu kelekele rārāni Maro Kindeni muņa ipulianzi sipāņa lâ, ande kelekele ņinde rārāni uru sikai nāna, itogo taine ikai nāna lâ paguguņa ne zo mine. Kelekele ņinde rārāni simo sita nā, kala simo mine lee imā ipāņa lâ zo ņine.

²³ Andeta kelekele ņinde simbonzi nā uru sita, ande tia. Kinda warakānda kala uru tamo tata mine nā. Nanayoni Maro Kindeni io ne Koroani Sapāņa imā imo ilonda lâ, itogo i ne vetāņa ara ņana iveta pa kinda muņa mwasina. Andeta lâ zo ņine kinda kala mine nā uru takai nāna wa tiņa wa, aku tamo tao tininda ņana zo ņinde Maro Kindeni ma itula kilalānda pwataki tu

kinda tamo i natu wukale. Lâ zo ñinde Maro Kindeni ma ilele karaenda ndoni ipânga kie tonje.

²⁴ Munja kinda tao nenda kalo-tawana ilâ pa Maro Kindeni, aku tamo tao tininda ñana vetâña arara rârâni ipatea tu ma iveta pa kinda. Aku ñana nenda kalo-tawana ñinde kê, ande Maro Kindeni ikai kinda piti lâ kondoma ilo marumbu lâ. Ambo kinda tao tininda ñana vetâña tonje, ande tasama tu vetâña ñinde ipânga pa kinda tia yo. Ñana tu ambo tamâta tonje ikai kelekele tonje marumbu lâ, ande i ma imo io tini kilo pa kelekele ñinde kê, ande ma tia.

²⁵ Kinda tasama tu vetâña arara ñinde sipânga pa kinda tia yo, andeta muli nga vetâña ñinde ma sipânga mao nâ pa kinda. Mine kala kinda uru tapu tini kaika pa ilonda kalonda, aku tamo tao tininda nâ.

²⁶ Aku mine nâ, Koroani Sapâña uru iveta vetâña pinde ñana ivila kinda kê. Kinda nenda walo nde ñalae koña tia, kala tazizâla tu kinda ma takai noña pa Maro Kindeni mâsi mana. Andeta Koroani Sapâña isama lâ ñana noña ndia ikeno paveâña lâ ilonda kalonda, aku i tamwata uru ita pa Maro Kindeni tu i ma ivila kinda. Aku ne tiña ñinde nde kie tonje ndo, kala kinda tamâta takura tu tasama ñinde kilala, ande tia.

²⁷ Aku Maro Kindeni, ina uru ilea sondo pa kinda tamâta ilonda kalonda, ande isama Koroani Sapâña ne ilo-kalo ñinde marumbu lâ, ñana tu Koroani Sapâña uru ino pa Maro Kindeni tu i ma iveta pa kinda ikura i tamwata nâ ne pateâña mine.

²⁸ Kinda tasama tu lâ zo ndia malia kie-kie ma ipângga pa kinda, ande Maro Kindeni uru ikai malia ñinde ku ilele ipângga kelekele ñana ivila kinda kâ. Iveta mine pa kinda tamâta ea ilonda ndo keno pa i, kinda ñine i muᅅgani ipatea tu ma taponu muli papa i.

²⁹ Nana tu nia ndoyo Maro Kindeni ipatea kinda pinde tu ma tamo i ne tamâta. Aku ipatea tu ma iveta kinda ñine tapângga tatogo i Natu mine. I ilo tu i Natu ñinde ma imo mbâna-mbâna pa i natu wukale kinda.

³⁰ Aku kinda tamâta ñine i muᅅga ipatea lâ, ande isarâwa pa kinda ñine rârâni tu tamâ pa i tona. Aku kinda tamâta ñine i isarâwa papa, ande iveta kinda ñine rârâni tapângga tamo ilonda mbâra-mbâra tona. Aku kinda tamâta ñine i iveta tapângga ilonda mbâra-mbâra, ande io i kilala ara ñinde imâ pa kinda ñine rârâni tona.

Kelekele tonᅅe ikura ñana iponu Maro Kindeni ne tini-mwasa nao, ande tia

³¹ Mine nde kinda ma taporo ᅅgua mana. Kinda ma taporo mine; “Ambo Maro Kindeni ivila kinda, ande ea ikura tu ikai kazâᅅa pa kinda, a? Tia ndo!”

³² Maro Kindeni ᅅandai isilikana i tamwata Natu ᅅga. Isupwa i tamwata Natu ñinde indue imâ ku imâte ñana ivila kinda rârâni. Mine kala kinda tasama tu i ma iveta vetâᅅa arara pinde rârâni pa kinda tona.

³³ Nanayoni Maro Kindeni ipatea kinda tu ma tamo i tamwata ne tamâta. Mine nde ea ikura tu italea kinda lâ ᅅgua nia, a? Tia ndo! Nana

tu Maro Kindeni tamwata iveta kinda tapânga ilonda mbâra-mbâra.

³⁴ Mine nde ea ikura tu imandi lâ ngua nia ku ipa ngua nana nâna ilua kinda, a? Tia ndo! Nana tu Yesu Kirisi imâte lâ, ninenga Maro Kindeni ipaŋo i imandi imo via kilo. Kala nîne Yesuni imo pa Maro Kindeni tini pa wia kâ, aku inani uru ino pa Maro Kindeni tu ivila kinda.

³⁵ Kirisi ilo ndo ikeno pa kinda. Mine nde miki kalomi ngere sonde nga; zo pinde vetâŋa sakamao kie-kie imâ ipânga pa kinda. Zo pinde malia ipânga pa kinda, aŋga zo pinde nâna ipânga pa kinda, aŋga zo pinde tamâta siveta kenzi sakamao pa kinda, aŋga zo pinde putole ipu kinda, aŋga zo pinde tamo sugorai, aŋga zo pinde kazâŋa ipânga pa kinda, aŋga zo pinde mateŋa ipânga pa kinda. Tiambo vetâŋa mine ikura tu ipono nzâla nana Yesu Kirisi ne tini-mwasa ma imâ pa kinda tia kâ, a? Tia ndo kanaŋo!

³⁶ Mao nâ, vetâŋa kie mine uru ipânga pa kinda, aku ninde iyoke Maro Kindeni kawa ngua ikeno lâ pepa tini mine tu,

“Maka nde kamo noko ne tamâta. Mine kala ikura zo rârâni kinzi sipu maka pinde pâta kamâte. Kinzi siveta kenzi taituni pa maka, itogo siveta panzi lama lâ zo nana sipunzi pâta nana sikanzi kâ.”

³⁷ Andeta Kirisi ilo ndo keno pa kinda. Mine kala lâ zo ndia vetâŋa kie mine ipânga pa kinda, ande i uru ivila kinda, kala tapole malia ninde ndo lâ.

³⁸ Mao nâ, Maro Kindeni ilo ndo keno pa kinda. Aku naŋa asama ku kalonġu tawana kaika tu sâ tonġe ikura tu ipono nzâla ŋana i ne tini-mwasa ŋinde ma imâ pa kinda tia kâ, ande tia ndo. Mateŋa ikura tu ipono nzâla tia, aku via kala ikura tia mine nâ. Kinzi aŋelo sikura tu sipono nzâla tia, aku kinzi koroani saka kala sikura tia mine nâ. Vetâŋa tonġe lâ zo ŋine ikura tu ipono nzâla tia, aku vetâŋa tonġe lâ zo muli kala ikura tia mine nâ. Koroani kaika ndia ikura tu ipono nzâla, ande tia.

³⁹ Kelekele ndia imo âta ikura tu ipono nzâla tia, aku kelekele ndia imo lâmbu kala ikura tia mine nâ. Naŋa asama ku kalonġu tawana kaika tu kelekele ŋinde râŋâni sikura tu sipono nzâla ŋana Maro Kindeni ne tini-mwasa ma imâ pa kinda tia kâ, ande tia ndo kanaŋo. Kinda nenda Maro Ŋalae Yesu Kirisi ikai tini-mwasa ŋinde imâ pa kinda marumbu lâ.

9

Paulo kalo sukâŋa ŋalae ŋananzi Isrel ŋgu

¹ Naŋa apaipa kuku Yesu Kirisi lâ. Mine kala aporo ŋgua mao nâ, nalâŋe tia. Koroani Sapâŋa ikai poe pa ilonġu kalonġu, aku itula pwataki pa naŋa tu nanenġu ŋgua ŋine nde mao.

²⁻³ Mao nâ, ikura zo râŋâni naŋa kalonġu sukâŋa ŋalae ŋananzi nanenġu ŋgu, aku uru kalonġu loko wa ilonġu râŋâ wa. Naŋa ilonġu ŋalae tu Maro Kindeni ma ikainzi niŋgu-nambwe Isrel ŋgu piti lâ kondoma ilo. Zo pinde naŋa ilonġu tu Maro Kindeni ne wisi-nâna ma

imâ pa naŋa warakâŋgu, ku i ma isoki naŋa piti lâ Kirisi ne ŋgu ku ionzi niŋgu-nambwe wukale ŋinde silâ sikai niâŋgu. Andeta tia.

⁴ Nanayoni Maro Kindeni ipateanzi Isrel ŋgu ku ivetanzi sipâŋga i natu wukale. I itula tamwata ne sinâla wa walo kaika pwataki panzi lâ, aku iveta mbutukunâŋa kunzi ku io ne ŋgua tukunja ilâ panzi tona. I itula paneâŋa ne vetâŋa mao panzi, aku ipa ŋgua lâ tu ma ikainzi piti lâ kazâŋa ilo tona.

⁵ Kinzi Isrel ŋgu tamâta mbwananâŋa muŋgâŋa ŋinde ŋanzi nde ŋalae ndo, aku Kirisi tamwata ipâŋga tamâta lâ warakanzi nenzi ŋgu. Kirisi ina ikai maro pa kelekele rârâni, aku ikura zo rârâni nenda paneâŋa ma ilâ pa Maro Kindeni. Mao.

Paulo itula ŋgua ŋana vetâŋa pinde Maro Kindeni iveta panzi Isrel ŋgu

⁶ Ikura zo rârâni naŋa kalonŋu sukâŋa ŋananzi niŋgu-nambwe Isrel ŋgu. Taitu naŋa ŋandai aporo tu Maro Kindeni ne ŋgua pâŋa ilâ kaa nâ ŋga. I ne ŋgua pâŋa nde ipâŋga kanaŋo lâ. Naŋa asama tu tamâta pinde lâ Isrel ŋgu simo Maro Kindeni ne pateâŋa tamâta mao tia.

⁷ Kinda timbunda Abraham ne vâsa rârâ simo, andeta kinzi pinde ŋandai simo i natu wukale mao ŋga. Muŋgani Maro Kindeni ipai Abraham mine tu, “Noko natu Isaka natu-timbu kinzi simbonzi nâ ma simo noko ne vâsa mao.”

⁸ Mine nde kinda tasama tu Abraham ne vâsa pinde sipâŋga lâ tamâta walonzi nâ, aku kinzi ŋinde simo Maro Kindeni natu wukale mao nde tia. Andeta Maro Kindeni ipa ŋgua kuku

Abraham njananzi i ne vâsa pinde, aku kinzi ninde nâ simo Abraham ne vâsa maou.

⁹ Nana tu Maro Kindeni ipa ngua kuku Abraham mine tu, "Muli nga naŋa ma ataulo amâ kilo, aku lâ zo ninde noko kaiwa Sara natu tamâne tonje ma imo."

¹⁰ Aku kalomi ngere nana Maro Kindeni ne ngua tonje tona. Rebeka natu rua tamanzi taitu nâ, ina Abraham natu Isaka, aku i nde kinda timbunda.

¹¹⁻¹² Taitu nia ndoyo Maro Kindeni tamwata ipatea Isaka natu taitu nâ. Andeta i nandai kalo ngere nana vetâŋa pinde kinzi rua ma muli siveta nga. I tamwata ipatea tonje ikura i tamwata nâ ne ilo-kalo. Mine nde lâ zo ninde Rebeka ipaguguanzi sâsâŋa rua ninde tia yo yo, aku kinzi rua nandai siveta vetâŋa ara tonje tâku vetâŋa sakamao tonje tâku, ande Maro Kindeni ipai Rebeka tu, "Lâlu nzâla-kulu ma imo lâlu ipâŋga muli ninde kalo."

¹³ Vetâŋa ninde iyoke Maro Kindeni kawa ngua ikeno lâ pepa tini mine tu, "Naŋa ilonju pa Yakopu, andeta ilonju koŋa pa Iso nde tia."

¹⁴ Mine nde kinda ma taporo mana. Tiambo kinda ma taporo tu, "Maro Kindeni iveta vetâŋa soki", a? Tia ndo kanaŋo!

¹⁵ I nanayoni iporo pa Mose mine tu,
 " 'Ambo naŋa apatea tu ma ao nanenju wisi-wisi ilâ pa tamâta tonje, ande nanenju wisi-wisi ma ikeno papa i. Ambo naŋa apatea tu ma ao nanenju kalo-sukâŋa ilâ pa tamâta tonje, ande nanenju kalo-sukâŋa ma ikeno papa i."

16 Mine nde Maro Kindeni ɲandai ipateanzi tamâta ikura kinzi warakanzi nenzi ilo papa wa nenzi vetâɲa wa. Ipateanzi ikura i tamwata ne wisi-wisi nâ.

17 Nia ndoyo Maro Kindeni iporo pa Isip nenzi koipu ɲalae mine tu, “Naɲa muɲga apatea noko kupâɲga pwai koipu mine ɲana duvi ɲine kâ; naɲa ilonɲu tu atula nanenɲu walo kaika pwataki lâ noko ne vetâɲa tini, aku ilonɲu tu kinzi tamâta simo tâno ndoni ma silonɲo naɲa parinâɲgu.”

18 Mine kala kinda tasama tu ambo Maro Kindeni ipatea tu i ne wisi-wisi ma ikeno pa tamâta tonɲe, ande i ne wisi-wisi ma ikeno papa i. Ambo ipatea tu ma iveta tamâta tonɲe taɲa kaika, ande i ma iveta ikura i tamwata ne pateâɲa mine.

19 Tiambo tamâta tonɲe lâ miki ɲginimi ma ikasona naɲa mine tu, “Ambo Maro Kindeni uru iveta mine panzi tamâta, ande ɲana sâ kâ ɲga ilelea kindâ ɲana vetâɲa soki kindâ taveta, a? Ea ikura tu ikai kazâɲa pa Maro Kindeni ne pateâɲa, a?”

20 Andeta noko kulonɲo ɲga; noko ea ɲga kutu kulelea Maro Kindeni ɲana i ne vetâɲa kâ, a? Tiambo kulo tâno ma ilelea tamâta ɲinde muɲga ipu i ku ma iporo papa tu, “Naɲa sâ kâ ɲga noko kupu naɲa apâɲga mine”, a?

21 Kinda tasama tu kulo-puɲa tamâta ikura tu ikai tâno pinde ku ipu kulo rua ikura i tamwata nâ ne pateâɲa. Ikura tu ipu kulo ara tonɲe ɲana wurâta ara kâ, aɲga kulo kaa tonɲe ɲana wurâta kaa nâ. Tiambo noko kutu i ne vetâɲa

ņinde nde soki, a?

²² Maro Kindeni itu iveta i ne wisi-nāna ipāņga nia yo, aku itu kinzi tamāta rārāni ma sisama i ne walo kaika tona. Mine nde i ņandai ipasusu ņana izavarunzi kulo ņinde i muņga ipatea tu ma izavarunzi.

²³ Aku Maro Kindeni ilo tu kinzi tamāta ma sisama i kilala pwataki tu i nde ara ku ara ndo. Mine kala iveta kie ara ndo pa kinda kulo pinde, kinda ņine i nia ndoyo ipatea tu ma muli tamo ara ndo kuku i lâ samba lawea.

²⁴ Ipatea kinda lâ, kala kinda tatogonzi kulo ņinde iveta kie ara panzi. Aku kinda ņandai tamo lâ Juda ņgu simbo nā; kinda pinde tamo lâ tinikoa ņgu pinde tona.

²⁵ Maro Kindeni kawa ņgua ikeno lâ ņgua-tulāņa tamāta muņgāņa Hosea ne pepa tini. ņgua ņinde ikeno mine tu,

“Kinzi tamāta pinde simo lâ nanenģu ņgu tia, andeta muli ņga naņa ma apatu kinzi tamāta ņinde ņanzi tu, ‘Nanenģu ņgu’. Muņga naņa ilonģu koņa panzi ņgu ņinde tia, andeta muli ņga naņa ma ilonģu ndo keno panzi.”

²⁶ Aku Hosea inģere ņgua pinde kilo mine tu,

“ ‘Nanayoni kinzi ņgu ņinde simo nia tonģe, aku naņa aporo panzi mine tu, ‘Miki ņandai nanenģu tamāta ņga’. Andeta muli, lâ niani ndaina, ande naņa ma aporo ņgua ņananzi ņgu ņinde mine tu, ‘Kinzi nde Maro Kindeni Vīa Tamwata natu wukale’.”

²⁷ Muņgani Aisaia itula ņgua ņananzi Isrel ņgu mine tu,

“ ‘Ambo kinzi Isrel ngu ma sipânnga kamb-wañenzi, sitogo paulo ikeno sâwa mine, ande Maro Kindeni ma ikainzi Isrel tamâta pinde nâ piti lâ kondoma ilo.

²⁸ Nana tu Maro Njalae ma ionzi tamâta rârâni lâ ngua nia, aku ma walele nâ ipare nia panzi marumbu lâ.”

²⁹ Ngua ninde iyoke ngua tonge Aisaia ingere mine tu,

“Nia ndoyo Maro Kindeni Walo Tamwata ipatea timbunda nenzi vâsa ngu kiri-mwata nâ tu ma simo vianzi. Ambo i muᅅga iveta mine tia, ande kinda rârâni ma naonda tia lâ, itogo nia ndoyo kinzi tamâta lâ Sodom lawea wa Gomora lawea wa naonzi tia mine nâ. Andeta tia.”

Kinzi Isrel ngu kalonzi tawana tia, kala sipânnga ilonzi mbâra-mbâra, ande tia

³⁰ Mine nde kinda ma taporo mana. Kinda ma taporo mine tu, “Kinzi tinikoa ngu muᅅga simakâsa ᅅalae koᅅa tia ᅅana sipânnga ilonzi mbâra-mbâra lâ Maro Kindeni nao. Taitu ᅅana nenzi kalo-tawana nâ, kinzi sipânnga ilonzi mbâra-mbâra marumbu lâ.

³¹ Anᅅa kinzi Isrel ngu muᅅga simakâsa ᅅalae tina ᅅana sipaveta kuku Mose ne ngua tukuᅅa, ᅅana tu kinzi situ ngua tukuᅅa ninde ikura tu ivetanzi sipânnga ilonzi mbâra-mbâra lâ Maro Kindeni nao. Andeta sipânnga ilonzi mbâra-mbâra, ande tia.”

³² Ninde nde duvi mine; kinzi Isrel ᅅandai kalonzi tawana Maro Kindeni mao ᅅga. Kinzi ilonzi tu warakanzi nenzi wurâta kaika nâ ma ivetanzi sipânnga ilonzi mbâra-mbâra lâ i nao.

“Mira nana isowe tamâta kenzi kâ” nde isowe kenzi marumbu lâ, kala sititia ku patanzi sindue.

³³ Maro Kindeni kawa ngua ikeno lâ pepa tini mine tu,

“Miki kalonjo nga; nana apatea mira tonje nana isowe tamâta kenzi ku ivetanzi patanzi sindue. Aku nana ao mira ninde imo Jerusalem lawea ilo. Tamâta ea kalo tawana i, ande i ma ikai manjeti nana ne kalo-tawana ninde, ande tia ndo.”

10

Kinzi Isrel ngu sizizâla nana Maro Kindeni ne vetâna kâ

¹ Ninggu-nambwe wukale, nana ilongu ndo tu kinzi Isrel ngu ma sipalele ilonzi kalonzi, nana Maro Kindeni ma iyautenzi piti lâ kondoma ilo. Aku ikura zo rârâni nana uru akai nona kaika papa i nana kinzi kâ.

² Nana asama kilalanzi lâ, kala njine aporo atula pwataki tu kinzi ilonzi ndo tu sipaveta kuku vetâna rârâni Maro Kindeni ilo papa ninde. Taitu nenzi ilo-kalo ikeno soki-soki nâ.

³ Kinzi sizizâla nana nzâla ninde Maro Kindeni ipatea pa kinda tamâta nana ma tamo ilonda mbâra-mbâra lâ i nao. Kinzi situ warakanzi nâ nenzi kaika ikura nana ivetanzi sipânga mine. Mine kala kinzi nandai sipono muli pa Maro Kindeni ne pateâna ninde nga.

⁴ Kinda tasama tu Kirisi iveta ngua tukuja ipânga kanajo. Mine nde kinda tamâta ea kalonda tawana Kirisi, ande kinda njine rârâni tamo ilonda mbâra-mbâra lâ Maro Kindeni nao.

⁵ Mose munga ingere ngua pinde nyananzi tamâta ninde kalonzi tawana tu ngua tukunja ikura tu ivetanzi sipanga ilonzi mbâra-mbâra lâ Maro Kindeni nao. Ingere ngua mine tu, “Tamâta ea kinzi uru sipaveta kuku ngua tukunja rârâni ikura zo rârâni, ande ngua tukunja ma ivetanzi tamâta ninde sikai via mao.”

⁶ Andeta kinda nenda kalo-tawana nâ nde nzâla nana tapanga ilonda mbâra-mbâra lâ Maro Kindeni nao. I kawa ngua ikeno lâ pepa tini mine tu, “Miki ma kaporo lâ warakami ilomi tu, ‘Ea ma ikâki ilâ samba ilo’ (nana ikai Kirisi indue imâ kê), ande kaporo mine ndimo.”

⁷ Aku miki ma kaporo tu, ‘Ea ma indue ilâ mateja nianzi’ (nana ikai Kirisi itaulo imâ kilo kê), ande kaporo mine ndimo.”

⁸ Maro Kindeni iporo ngua mine tu, “Ngua ninde nandai ikeno malawae nyanami nga. Ninde ikeno miki ilomi wa kawami ilo wa.” Ninde nde ngua nana kalo-tawana ne nzâla, nzâlani ndaina maka uru kaporo katula kilala pwataki mine tu,

⁹ “Ambo miki ma kaporo kapatula nemi kalo-tawana pwataki tu, ‘Yesu nde Maro Njalae’, aku ma kalomi tawana mao tu Maro Kindeni ipajo Yesu lâ mateja nianzi imandi imo via kilo, ande Maro Kindeni ma ikaimi piti lâ kondoma ilo.”

¹⁰ Nana tu nenda kalo-tawana iveta kinda tapanga ilonda mbâra-mbâra lâ Maro Kindeni nao. Aku kinda tapatula nenda kalo-tawana ninde pwataki lâ kawânda, kala Maro Kindeni ikai kinda piti lâ kondoma ilo.

¹¹ Maro Kindeni kawa ngua ikeno lâ pepa tini

mine tu, “Tamâta ea kalo tawana i, ande i ma ikai maŋeti ŋana ne kalo-tawana ŋinde, ande tia ndo.”

¹² Nana tu Maro Kindeni uru iveta kie taituni panzi Juda tamâta wa kinzi tamâta lâ tinikoa ŋgu wa. Kinda tamâta rârâni nenda Maro Nalae taituni imo, aku i uru iveta kie ara ndo panzi tamâta ea sikai noŋa papa i tu ma ivilanzi.

¹³ Nana tu Maro Kindeni kawa ŋgua ikeno lâ pepa tini mine tu, “Tamâta ea sino pa Maro Kindeni tu ma ivilanzi, ande i ma ikainzi tamâta ŋinde rârâni piti lâ kondoma ilo.”

¹⁴ Andeta kaloŋo ŋga; ambo tamâta pinde kalonzi tawana Maro Kindeni tia, ande kinzi ma sikura tu sikai noŋa papa i mâsi mana, a? Ambo kinzi siloŋo i parina tia, ande ma sikura tu kalonzi tawana i mâsi mana, a? Ambo tamâta tonje itula ŋgua panzi tia, ande kinzi ma sikura tu siloŋo i parina mâsi mana, a?

¹⁵ Ambo Maro Kindeni ma isupwa tamâta tonje tia, ande tamâta tonje ma ikura tu itula ŋgua panzi mâsi mana, a? Maro Kindeni kawa ŋgua ikeno lâ pepa tini mine tu, “Kinzi tamâta sindeka ndo ŋana simora tamâta tonje imâ ŋana itula pâri ara panzi kâ.”

Kinzi Isrel ŋgu ilonzi pa pâri ara, nde tia

¹⁶ Andeta Isrel tamâta pinde nâ ilonzi pa pâri ara. Aisaia tamwata muŋga iporo ŋgua mine tu, “Maro Nalae, kinzi ŋandai kalonzi tawana ŋgua ŋinde maka katula panzi lâ ŋga.”

¹⁷ Mine nde tasama tu kinda tamâta ea taloŋo pâri ara, ande kinda ŋine nâ takura tu kalonda tawana. Aku ŋinde nde pâri ara ŋana Kirisi kâ.

18 Taitu nanenġu kasonġa ikeno mine; tiambo kinzi Isrel nġu nġandai siloġo p̄ari ara nġinde, tiya? Naġa apaimi tu kinzi siloġo lâ. Maro Kindeni kawa nġua ikeno lâ pepa tini mine tu,

“Nenzi sarawâġa ilâ isala nia ndoni lâ tâno kulu, aku tamâta lâ lawea ndoni siloġo nenzi nġua nġinde.”

19 Aku nanenġu kasonġa tonġe kilo kala ikeno mine; tiambo kinzi Isrel nġu sizizâla nġana nġua nġinde duvi kâ, tiya? Naġa apaimi tu kinzi sisama nġua duvi lâ. Nanayoni Mose itula Maro Kindeni kawa nġua pwataki panzi Isrel nġu mine tu,

“Naġa ma avilanzi tamâta nġu kaa kaa pinde, nenzi ilo-kalo ara tia. Aku nanenġu vetâġa nġinde ma iveta miki kapadâda ku wisimi nâna.”

20 Aku muli nġa Aisaia kala itula Maro Kindeni kawa nġua kie taituni tona. Maro Kindeni iporo kaika mine tu,

“Tamâta pinde nġandai siroto nġana naġa kâ, andeta kinzi nġinde sisânda kulunġu lâ. Mao nâ, tamâta pinde nġandai sikasonġanzi tininzi pinde nġana naġa kâ, andeta naġa apatua lâ nia yo panzi tamâtani ndaina.”

21 Andeta Aisaia itula Maro Kindeni kawa nġua kie tonġe pwataki nġananzi Isrel nġu mine tu,

“Tkura zo rârâni naġa amo ao tiningu nġananzi nġu nġinde. Naġa atu aveta kenġu ara nâ panzi. Andeta kinzi uru sipu nanenġu nġua ututu, aku taġanzi kaika ndo.”

11

Maro Kindeni ɲandai ipu muli ndo panzi Isrel ɲgu

¹ Ayo, naɲa Paulo nengu kasonɲa tonɲe kilo kala ikeno mine; tiambo Maro Kindeni ipu muli panzi ne tamâta marumbu lâ, tiya? Naɲa apaimi tu i ipu muli panzi tia ku tia ndo. Naɲa warakɲngu kala amo Isrel ɲgu tamwatɲngu. Naɲa nde Abraham ne vâsa. Naɲa nde Benjamin see.

² Nia ndoyo Maro Kindeni ipateanzi Isrel ɲgu tu ma simo i tamwata ne ɲgu, aku i ɲandai ipu muli panzi ɲga. Tiambo miki kazizâla ɲana Maro Kindeni kawa ɲgua ikeno lâ pepa tini, a? Iliã ino pa Maro Kindeni ku isowe ɲgua lâ Isrel ɲgu tininzi. Ikai noɲa mine tu,

³ “Maro Ƴalae, kala ɲine kinzi sipunzi noko ne ɲgua-tulɲa tamâta rârâni sipamateteu lâ, aku sizavaru noko ne patarawɲa nia rârâni marumbu lâ. Aku naɲa simbonɲu nâ apono muli pano, andeta situ sipu naɲa pâta amâte tona.”

⁴ Andeta Maro Kindeni itu ɲgua taulo papa Iliã ku ilelea mine tu, “Nanengu tamâta pinde simo ɲai yo, aku kinzi ɲandai sipare tukunzi ku siwɲngi pa maro laɲeɲa Bal ɲga. Kinzi tamâta ɲinde kambwanɲenzi ipɲnga lâ 7,000.”

⁵ Aku lâ zo ɲine kala mine nâ, Maro Kindeni io ne wisi-wisi imâ pa kinda ɲgu kiri-mwata, aku ipatea tu kinda ma tamo i tamwata ne tamâta.

⁶ I ne wisi-wisi imâ pa kinda kala ipatea kinda lâ. Andeta i ɲandai kalo ɲgere ɲana vetɲa ara pinde muɲga taveta, ɲineɲga ipatea kinda ɲga.

Ambo Maro Kindeni ma uru ipateanzi tamâta ikura vetâŋa ara pinde kinzi munŋa siveta, ande i ne wisi-wisi nde mao tia. Andeta tia.

⁷ Mine kala kinda ma taporo mana. Kinzi Isrel ŋgu simakâsa ŋalae tina ŋana sipâŋga ilonzi mbâra-mbâra lâ Maro Kindeni nao, andeta ŋandai sipâŋga ilonzi mbâra-mbâra ŋga. Maro Kindeni ipateanzi ŋgu kiri mwata nâ, aku kinzi ŋinde nâ sipâŋga ilonzi mbâra-mbâra. Anŋa ŋgu ŋalae nde taŋanzi kaika nâ.

⁸ Vetâŋa ŋinde iyoke Maro Kindeni kawa ŋgua ikeno lâ pepa tini. Iporo ŋgua ŋananzi taŋa-kaika tamwatanzi ŋinde mine tu,

“Maro Kindeni ivetanzi sipâŋga sitogo kapa mine. Mine kala matanzi ikura ŋana simora tia, aku taŋanzi nde ikura ŋana siloŋo ŋgua tia. Kinzi simo mine lee simâ ipâŋga lâ zo ŋine.”

⁹ Aku Daviti kala itula ŋgua kie taituni ŋananzi Isrel ŋgu mine tu,

“Lâ zo ndia kinzi siveta waiŋa ŋalaŋala, ande naŋa ilonŋu tu ndekâŋa ne zo ŋinde ma ipalele ku iyaula kinzi warakanzi, itogo nimbu ikai ŋgoa mine. Naŋa ilonŋu tu kinzi ma sikai pareŋa-nia ŋana nenzi vetâŋa potomule kâ.

¹⁰ Naŋa ilonŋu tu noko ma kuveta matanzi leva-leva, ŋana kinzi ma sikura tu simora kilo tia. Kuyaula kumbunzi totoroni, ŋana kinzi ma sikura tu simandi kaika kilo tia.”

Maro Kindeni iveta kie ara panzi tinikoa ŋgu

¹¹ Mine nde nanenḡu kasonḡa tonḡe kilo kala ikeno mine; muḡgani, lâ zo ḡinde kinzi Isrel ḡu sipu mulinzi pa Maro Kindeni, tiambo kinzi sipayaula ndo lâ, tiya? Naḡa apaimi tu kinzi sipayaula ndo, ande tia. Kinzi sipu mulinzi papa, aku ḡana duvi ḡinde kâ, Maro Kindeni ilâ panzi tinikoa ḡu ku iveta nzâla ḡana ikainzi piti lâ kondoma ilo. Iveta vetḡa ḡinde tu ma isowe kinzi Isrel ḡu matanzi.

¹² Kinzi Isrel ḡu nenzi taḡa-kaika ḡinde ikai nzâla piti panzi ḡu ndoni simo tâno kulu, ḡana Maro Kindeni ne vetḡa ara ndo ma imâ panzi. Kinzi Isrel ḡu simbe lâ, andeta ḡinde ivilanzi ḡu pinde ḡana simo ara kâ. Mine nde kinda tasama tu muli ḡga, lâ zo ḡinde kinzi Isrel tamâta ma sitaulo silâ pa Maro Kindeni kilo, ande i ne vetḡa arara ma ipḡḡa ḡalae tina panzi tamâta ḡu rârâni.

¹³ Ayo, kala ḡine naḡa atu aporo ḡgua pa miki tamâta lâ tinikoa ḡu. Maro Kindeni ipatea naḡa ḡana atula pâri ara pwataki pa miki, aku naḡa andeka ḡalae ḡana nanenḡu wurâta ḡine.

¹⁴ Naḡa ilonḡu tu nanenḡu wurâta ḡine ma ipaḡo warakḡḡu nenḡu ḡu Isrel ilonzi kalonzi, ḡana kinzi ma sipadâda ḡana vetḡa ara Maro Kindeni iveta panzi ḡu pinde, kala ma sipalele ilonzi kalonzi ku sitaulo pa i.

¹⁵ Muḡḡa, lâ zo ḡinde Maro Kindeni ipu muli panzi Isrel ḡu, ande iveta nzâla panzi tamâta rârâni simo tâno ndoni ḡana ma sikura tu sipḡḡa simo ilonzi kalonzi taitu kuku i. Mine nde kinda tasama tu muli ḡga, lâ zo ḡinde i ma ikainzi Isrel ḡu sitaulo simâ papa i kilo,

ande n̄inde ma ara ku ara ndo. N̄inde ma itogo ipañonzi mateŋa tamâta simo vianzi kilo mwasina.

¹⁶ Ambo tamâta tonje itu imomo puroŋa, aku ikai puroŋa katiŋe piti ku iveta patarawâŋa pa Maro Kindeni, ande kinda tasama tu puroŋa n̄inde ndoni ipâŋga itogo Maro Kindeni ne kelekele. Ambo tamâta tonje ikai kâi mburu-mburu iveta patarawâŋa pa Maro Kindeni, ande kinda tasama tu kâi n̄inde ne laka nde i ne kelekele tona. *

¹⁷ Kinzi Isrel ŋgu nde sitogo kâi “oliv” bâŋa. Andeta Maro Kindeni itoto kâi n̄inde ne laka pinde piti lâ. Aŋga miki ŋgu pinde nde katogo kâi oliv ŋgoi ne laka pinde. Maro Kindeni muŋga ikai miki ku isenġemi lâ kâi oliv bâŋa n̄inde tini, ŋana miki ma kakai kâi laka muŋġâŋa n̄inde nianzi. Kala ŋine miki uru kakai siŋi ara ndo lâ kâi n̄inde mburu-mburu, aku miki kamo ara nâ.

¹⁸ Taitu miki ma ilomi tu miki nde tamâta ara ndo ku kapolenzi kâi bâŋa n̄inde ne laka mao, mine ndimo. Ambo miki ilomi mine, ande kalomi ŋgere sondo ŋga. Miki kâi laka ŋandai uru siŋi ara kalua kâi mburu-mburu ŋga. Mburu-mburu uru siŋi ara ilua miki.

¹⁹ Tiambo miki ma kaporo tu, “Maro Kindeni ilo pa maka kâi ŋgoi laka pinde, kala itotonzi kâi bâŋa laka n̄inde piti lâ ku ioma kakai nianzi.”

* **11:16** 16 N̄gua tambirâŋa ŋine nde duvi mine; kinda kalo-tawana tamâta pinde ŋandai Juda tamâta ŋga; kinda tamo lâ ŋgu pinde. Andeta ŋana nenda kalo-tawana kâ, Maro Kindeni ne ŋgua pâŋa tava ne vetâŋa arara nde ikeno pa kinzi wa kinda wa.

²⁰ Mao nâ, Maro Kindeni iveta mine lâ. Andeta kinzi n̄andai kalonzi tawana i n̄ga, aku n̄ana duvi n̄inde kâ itotonzi piti lâ. An̄ga miki nde kalomi tawana i, aku n̄ana duvi n̄inde kâ miki kamo ara lâ kâi b̄aṅa n̄inde tini. Mine nde miki ma kapasuka warakami tinimi ndimo. Miki kapakatona sondo n̄ga.

²¹ Miki kalomi n̄gere sondo n̄ana n̄ine kâ; Maro Kindeni itotonzi kâi b̄aṅa n̄inde ne laka piti lâ. Aku mine nâ, ambo miki ma kapasuka warakami tinimi, ande i ma io miki yâti tia ndo.

²² Miki kalomi n̄gere sondo n̄ga. Maro Kindeni nde kalo-sukâṅa warika, andeta i nde pareṅa-nia tamwata tona. Tamâta pinde siveta kiesaka, kala ipare nia panzi. Ambo miki ma kamo i ne kalo-sukâṅa kalo, ande i ma kalo sukâṅa nâ pami. Ambo tia, ande i ma itoto miki piti tona.

²³ Ambo kâi b̄aṅa ne laka n̄inde i muṅga itotonzi piti ma sipalele ku ma kalonzi tawana i, ande i ma isen̄genzi sitaulo simâ pa kâi tini kilo. Mao nâ, Maro Kindeni ikura tu isen̄genzi sitaulo simâ kilo.

²⁴ Miki tamâta lâ n̄gu pinde, muṅga miki nde kâi oliv n̄goi ton̄ge ne laka, andeta Maro Kindeni itoto miki ku isen̄gemi lâ kâi oliv b̄aṅa n̄inde tini. Andeta kâi b̄aṅa n̄inde nde miki niami sondo, ande tia. Mine nde mao nâ, Maro Kindeni ikura ndo n̄ana ikainzi kâi b̄aṅa n̄inde ne laka mao ku isen̄genzi sitaulo simâ pa warakanzi nenzi kâi n̄inde tini kilo.

Maro Kindeni itu itula ne wisi-wisi kilala pwataki panzi tamâta ndoni

²⁵ Niŋgu-nambwe wukale, naŋa ilonŋu tu miki ma kasama ŋgua paveâŋa ŋine ne duvi sonde. Naŋa tiniŋgu pwâka tu miki ma ilomi tu nemi ilo-kalo nde ŋalae ndo. Ŋgua paveâŋa ŋinde nde duvi mine; kinzi Isrel ŋgu taŋanzi kaika ndo, andeta kinzi ma simo mine ikura zo rârâni, ande tia. Kinzi ma simo mine lee ikura lâ zo muli ŋinde kinzi tamâta lâ tinikoa ŋgu ma simâ papa Maro Kindeni, ikura kambwanŋenzi ŋapia ipatea panzi muŋgani lâ.

²⁶ Aku lâ zo ŋinde, ŋinenŋa Maro Kindeni ma ikainzi Isrel tamâta rârâni piti lâ kondoma ilo. Maro Kindeni kawa ŋgua ikeno lâ pepa tini mine tu,

“Isrel nenzi Yautâŋa Tamwata ma iyoka pa Jerusalem lawea ikeno Saion Tuu kulu ŋinde imâ. Aku i ma ivetanzi tamâta rârâni lâ Yakopu ne vâsa ŋgu sipile nenzi mâsi ŋana sipu mulinzi papa i kê.

²⁷ Aku lâ zo ŋinde naŋa ma aveta mbutukunâŋa kunzi ŋana azavaru nenzi kiesaka piti lâ tininzi.”

²⁸ Kinzi Isrel ŋgu sipu mulinzi pa Yesu ne pâri ara marumbu lâ. Mine kala kinzi simo Maro Kindeni ne kazâŋa tamâta, aku ŋinde ivila miki tamâta lâ tinikoa ŋgu. Andeta Maro Kindeni kalo ŋgere ŋana kinzi Isrel ŋgu timbunzi simo muŋgâŋa ŋinde, kala ipatea tu i ma tini mwasa pa nenzi vâsa ŋgu.

²⁹ Nana tu Maro Kindeni ne vetâŋa kilala ikeno mine; ambo ipateanzi tamâta pinde tu simo i ne ŋgu, aku iveta kie ara panzi, ande i ma muli ipalele ku ipu muli panzi, ande tia ndo.

³⁰ Muŋga miki tamâta lâ tinikoa ŋgu taŋami

kaika pa Maro Kindeni. Andeta zo ñine kinzi Juda ñgu uru tañanzi kaika mine nâ. Ñana duvi ñinde kâ Maro Kindeni io ne wisi-wisi imâ pa miki marumbu lâ.

³¹ Kala ñine kinzi Juda tamâta simora tu Maro Kindeni ne wisi-wisi imâ pami lâ, ande kala tañanzi kaika papa i. Andeta muli ñga Maro Kindeni ne wisi-wisi ma ilâ pa kinzi tona.

³² Maro Kindeni isâu pa taña-kaika ne mâsi tu ikainzi tamâta rârâni kaika muñga lâ ñga. Ñinde nde duvi mine; i ilo tu i ne kalo-sukâña ma ilâ panzi tamâta rârâni.

Ara ñana kindi ma tapanea Maro Kindeni

³³ Opopo! Maro Kindeni ne vetâña rârâni nde ara ku ara ndo! I ne ilo-kalo nde ñalae ndo, indue lâ lâmbu itogo tâi geza-geza mine. Kinda tamâta takura tu tasama i ne ilo-kalo ñinde duvi tia ndo. Mana mana ñga iveta mâsi kie-kie, a? Ñine kindi tazizâla ndo ñana.

³⁴ Ñinde iyoke Maro Kindeni kawa ñgua ikeno lâ pepa tini mine tu,

“Ea ikura tu isama Maro Ñalae ne ilo-kalo, a?

 Aña ea ikura tu ipanana i ñana ilo-kalo pinde, a?

³⁵ Ea kelekele tonje ilua Maro Kindeni, kala Maro Kindeni ma ikatu kelekele ñinde taulo papa i, a? Tia ndo kano!”

³⁶ Maro Kindeni tamwata ipulianzi kelekele rârâni sipâña lâ, aku imo kelekele rârâni warika. Kelekele rârâni nde i simbo nâ ne. Kinda ma tapanea i ña tasuka kâki ikura zo rârâni, ma taveta mine ku tamo nâ. Mao.

12

Kinda ma tao warakânda karaenda ilâ pa Maro Kindeni itogo patarawâña mine

¹ Ningü-nambwe wukale, Maro Kindeni ne wisi-wisi nde ñalae tina. Mine nde naña ano kaika pami tu miki ma kao warakami karaemi ndoni ilâ pa Maro Kindeni itogo patarawâña via kâ mwasîna. Ninde ma itula pwataki tu miki ilomi ndo tu kamo i tamwata ne tamâta, aku ma itula pwataki tu miki ilomi tu kaveta ikura i ne ilo papa mine. Ambo miki ma kaveta mine, ande miki ma kakura tu kapanea i mao.

² Miki ma kapaveta kuku tâno ñine ne vetâña kaa kaa kilo ndimo. Ara ñana miki ma kasâu pa Maro Kindeni tu ma iveta ilomi kalomi ipânga wasaseki ndo. Ambo i ma iveta mine pa ilomi kalomi, ande miki ma kakura tu kasama sondo ñana vetâña arara wa, vetâña ndia i ilo papa wa, vetâña rârâni ipakura kuku i ne pateâña ñinde wa.

Kinda taitu-taitu ma taveta wurâta ndia Maro Kindeni ipatea pa kinda

³ Maro Kindeni ne wisi-wisi uru imo ku naña. Mine nde i muñgani ipateana ñana aveta wurâta papa i kâ. Mine kala naña atu aporo ñgua mine pa miki taitu-taitu; miki ma ilomi tu nemi ilo-kalo wa vetâña ara ipole tamâta pinde nenzi ilo-kalo wa vetâña ara, mine ndimo. Ara ñana miki taitu-taitu ma kalea sondo pa warakami nemi vetâña, ikura kalo-tawana ndia Maro Kindeni muñga ipatea pami.

⁴ Kinda tasama tu tamâta taitu karae taitu nâ keno, andeta i kie-mbalau wa ñai nde pinde-pinde rârâ, aku nenzi wurâta piti piti.

⁵ Aku kinda kalo-tawana tamâta kala mine nâ, kinda kambwanenda ñalae, andeta tapasipa lâ taitu kuku Kiriſi kala tamo tatogo karaenda taitu mine. Aku kinda rârâni taitu-taitu tamo nambwe nambwe kala uru tapamarerea.

⁶ Maro Kindeni io ne wisi-wisi imâ pa kinda lâ, kala iwae wisi-ara kie-kie pa kinda taitu-taitu. Mine nde ara ñana kinda ma taveta wurâta papa i ikura wisi-ara ndia ipatea pa kinda mine. Ambo tamâta tonje ikai wisi-ara ñana itula Maro Kindeni kawa ñgua, ande ara ñana i ma itula ñgua ikura i ne kalo-tawana mine.

⁷ Ambo tamâta tonje ikai wisi-ara ñana ikai kulerña panzi kalo-tawana tamâta, ande ara ñana i ma iveta wurâta ñinde sondo. Ambo tamâta tonje ikai wisi-ara ñana ikai wurâta pananâña, ande ara ñana i ma iveta wurâta ñinde sondo.

⁸ Ambo tamâta tonje ikai wisi-ara ñana ipu tini kaika panzi i tini pinde, ande ara ñana i ma iveta wurâta ñinde sondo. Ambo tamâta tonje ikai wisi-ara ñana isukanzi tini pinde ñana kelekele ikeno panzi tia, ande ara ñana i ma kelekele rârâ ilanzi. Ambo tamâta tonje ikai wisi-ara ñana imo tamâta mbwananâña, ande ara ñana i ma imandi kaika ñana ne wurâta ñinde kâ. Ambo tamâta tonje ikai wisi-ara ñana kalo sukâña ñananzi tini pinde, ande ara ñana i ma indeka nâ ñana iveta mine.

Kinda ma tao ilonda ndo ilâ panzi tininda

pinde

⁹ Miki ma kao ilomi ndo ilâ mao nâ panzi tinimi pinde. Miki ma kapu mulimi ndo pa vetâña potomule, aku kapaipa sondo kuku vetâña ara.

¹⁰ Miki ma tinimi mwasa ndo panzi kalotawana tamâta, ñana tu miki kamo nambwe nambwe mao. Aku miki ma kandeka nâ ñana kasukanzi tinimi pinde ñanzi kâki tona.

¹¹ Miki ma kamandi kaika ñana nemi kalotawana kâ ikura zo rârâni. Miki ma kakai wulitia ndimo. Ara ñana miki ma ilomi ndo tu kaveta wurâta pa Maro Njalae.

¹² Miki uru kao tinimi pa Maro Kindeni tu ma iveta kie ara pami. Mine nde ara ñana miki ma kao tinimi tava ndekâña nâ. Ambo malia pinde ma imâ ipânga pami, ande miki ma kamandi kaika ku kamo nâ. Aku miki ma kakai noña pa Maro Kindeni ikura zo zo.

¹³ Ambo nimi-nambwe kalotawana tamâta pinde siroto ñana kelekele pinde kâ, ande miki ma kakai nemi mbaliña ku kavilanzi. Ambo tamâta pinde soka lombo pa lawea pinde simâ sipânga nemi lawea, ande miki ma kakatonanzi sondo lâ nemi luma ilo.

¹⁴ Ambo tamâta pinde ma siveta kenzi sakamao pami, ande miki ma kano pa Maro Kindeni tu ma iveta kie ara nâ panzi. Mao nâ, miki ma kano pa i tu ma iveta kie ara nâ panzi. Miki ma kano pa i tu ma izavarunzi, mine ndimo.

¹⁵ Ambo tamâta tonje indeka, ande miki ma kandeka kuku i. Ambo tamâta tonje ita, ande miki ma kata kuku i.

¹⁶ Miki ma kaveta vetâña ara kie taituni panzi

tamâta ndoni. Miki ma kapasuka warakami tinimi ndimo. Aku miki ma ilomi ara ñana kaveta mete kunzi sugorai tamwatanzi tona. Miki ma ilomi tu, “Nanenġu ilo-kalo nde ara ndo, ipole tamâta pinde nenzi ilo-kalo”, mine ndimo.

¹⁷ Ambo tamâta tonġe ma iveta kie sakamao pami, ande miki ma kakatu vetâña sakamao taulo papa i ndimo. Ikura zo rârâni miki ma kapakatona sondu ku kapaveta kuku vetâña ndia kinzi tamâta rârâni uru simora tu vetâña ara.

¹⁸ Miki warakami ma ilomi pa pawaña wa kazâña wa, mine ndimo. Ikura zo rârâni miki ma karoto nzâla ñana kamo ilomi kalomi taitu kunzi tamâta rârâni.

¹⁹ Niġu-nambwe wukale, miki warakami ma kakatu vetâña soki ndia tamâta pinde siveta pami taulo panzi, mine ndimo, ñana tu Maro Kindeni ne wisi-nâna ma muli ikatu nenzi vetâña ñinde nia panzi. Maro Kindeni kawa ñgua ikeno lâ pepa tini mine tu, “Maro Ñalae iporo mine; ‘Pareña-nia nde naña warakâġgu nâ neġgu wurâta. Naña warakâġgu ma apare nia panzi tamâta ñana nenzi vetâña soki kâ.’ ”

²⁰ Kinda nenda nzâla tonġe keno. Maro Kindeni kawa ñgua ikeno lâ pepa tini mine tu,

“Ambo putole ipu noko ne kazâña tamâta, ande noko ma kâpwa kulua ika. Ambo irakoña ñana lââ kâ, ande lââ kulua inu. Ambo noko ma kuveta mine, ande i ma mai ñana ne vetâña soki kâ.”

²¹ Miki ma kasâu pa vetâña sakamao tu ipolemi, mine ndimo. Ambo miki ma kapaveta kuku

vetâña ara, ande ñinde ma itawa vetâña sakamao ndue lâ.

13

Kinda ma taveta ikura kinzi koipu kawanzi ñgua mine

¹ Maro Kindeni ilo tu kinda tamâta rârâni ma taveta ikura nenda koipu kawanzi ñgua mine. Kinda tasama tu kinzi koipu sipânga nâ siveta wurâta, ande tia. Maro Kindeni ipateanzi tamâta ñinde taitu-taitu ñana sikai koipu panzi tamâta pinde kâ.

² Mine nde tamâta ea taña kaika pa koipu ne ñgua, ande i taña kaika pa Maro Kindeni tona, ina muñga ipatea koipu ñinde tu ikai wurâtani ndaina. Aku tamâta ea taña kaika pa koipu ne ñgua ma ipayaula tamwata ku ma ikai pareñania ñana ne vetâña ñinde kâ.

³ Ñana tu tamâta ea kinzi uru siveta vetâña ara, ande kinzi ñinde ñandai siruru ñana nenzi koipu ñga. Aña tamâta ea kinzi uru siveta vetâña sakamao, kinzi ñinde nâ siruru ñananzi koipu. Mine nde kaloño ñga; ambo noko kutu kumo tava ilo pisi lâ koipu nao, ande noko ma kupaveta kuku vetâña ara nâ. Ñineña koipu ma isuka noko ña kâki.

⁴ Ñana tu koipu nde Maro Kindeni ne wurâta tamâta ñana ivilano tu kumo ara kâ. Andeta kulono ñga; ambo noko ma kuveta vetâña potomule, ande ara ñana noko ma kururu. Noko kusama tu koipu isaña ua lâ mbau ilo, aku i ñandai isaña ñinde kaa nâ ñga. Ikai Maro

Kindeni ndamwa ku ipare nia panzi tamâta ea uru siveta vetâŋa potomule.

⁵ Kinda tasama tu Maro Kindeni uru ipare nia panzi tamâta ea taŋanzi kaika pa nenzi koipu, aku ilonda kalonda kala itula pwataki tu mâsi ŋana taveta ikura kawanzi ŋgua mine nde mâsi ara. Mine kala kinda ma taponu muli panzi.

⁶ Kinzi koipu uru siveta nenzi wurâta ikura zo zo, aku simo Maro Kindeni ne wurâta tamâta ŋana sikai poe pami kâ. Ŋana duvi ŋinde kâ miki uru kao mbumbu ilâ panzi koipu.

⁷ Kelekele ndia kinzi koipu sipatea tu miki ma kao ilâ panzi, ande ŋinde miki ma kalanzi. Ambo kinzi sipatea tu miki ma mbumbu kalanzi, ande miki ma kaveta ikura nenzi ŋgua mine. Ambo kinzi simo mbâna-mbâna pami, ande miki ma kamege ŋananzi ku kasuka ŋanzi kâki.

Kinda ma tininda mwasa ndo panzi tininda pinde

⁸ Ambo tamâta pinde nenzi mbuku ikenu pami, ande miki ma katu ŋana mbuku ŋinde rârâni. Miki ma kapile keno ndimo. Andeta mbuku taitu nâ ma ikenu pami ikura zo rârâni, aku ŋinde nde mâsi ŋana tinimi mwasa panzi tinimi pinde. Ŋana tu tamâta ea uru tini mwasa panzi i tini pinde, ande ipono muli pa ŋgua tukuŋa rârâni marumbu lâ.

⁹ Kinda tasama ŋgua tukuŋa saŋao lâ, kala kasama tu ŋgua tukuŋa pinde ikenu mine: “Noko ma kupalulua noko tini kuku tamâta tonge kaiwa ndimo; noko ma kupu tamâta pâta imâte ndimo; noko ma kupanawe ndimo; noko

ma ilo yosi pa tamâta tonje ne kelekele ndimo.” Aku tukuja kie-kie rârâ pinde kala ikeno tona. Andeta tukuja rârâni nde ipânga kanao lâ tukuja taitu njine; “Noko ma tini mwasa panzi tini pinde, itogo noko tini mwasa pa tamwata mine.”

¹⁰ Ambo tamâta tonje uru tini mwasa panzi i tini pinde, ande i ma iveta kie sakamao panzi, ande tia. Mine kala tamâta ea uru tini mwasa panzi i tini pinde, ande ipono muli pa ngua tukuja rârâni marumbu lâ.

Kinda ma tapakatona sondo nâ

¹¹ Miki ma kapaveta sondo kuku tini-mwasa ne vetâja ara njinde, njana tu zo nga imâ ipânga laiti lâ. Miki ma kakeno ndimo. Matami parenje kamandi sânda nga! Miki kasama tu nanayoni, lâ zo njinde kinda tapalele ilonda kalonda ku tao nenda kalo-tawana ilâ pa Kirisi, ande Maro Kindeni ne zo njana ikai kinda piti lâ kazâja ilo nde imo malawae mwasa. Andeta kala njine zo njinde imâ ipânga laiti lâ.

¹² Mbo nga imâ njana marumbu kê, aku laiti njana mbwale pwataki kê. Mine nde ara njana kinda ma tapile kondoma ne vetâja rârâni, aku tapaveta kuku sinâla ne vetâja, itogo zugu tamâta isawa paraña ne singâra kaika lâ tini mwasina.

¹³ Kinda ma tapakatona sondo, tatogo tamâta uru iyoka kari ne sinâla ilo. Kinda ma tandeka potomule wa tanu lââ kaika tadauda wa, mine ndimo. Kinda ma tapalulua tininda potomule wa tapaveta kuku vetâja sakamao kie-kie wa, mine ndimo. Aku kinda ma tapawa potomule

wa ilonda yosi panzi tininda pinde nenzi kelekele wa, mine ndimo.

¹⁴ Ara ñana kinda ma tasawa Maro Ñalae Yesu Kirisi lâ tininda itogo paraña ne pasawaña kaika mwasina. Miki ma kasâu pa ilo-kalo siŋga tu ilanemi ñana kaponu muli kilo pa vetâña potomule kâ, mine ndimo.

14

Kinda ma talea pa tininda pinde nenzi vetâña ndimo

¹ Ambo tamâta tonje ne kalo-tawana ikenu kaika tia, ande ara ñana miki ma ilomi ara papa i ku kakai imâ imo kumi. Taitu miki ma kapawa ŋgua kuku i ñana ilo-kalo ndia kenu papa, mine ndimo.

² Tamâta pinde nenzi kalo-tawana ikenu kaika lâ. Mine nde kinzi uru sika kâpwa ndoni. Anja tamâta pinde nenzi kalo-tawana ikenu kaika koña tia, kala uru sindi kaika pa warakanzi tu ma sika simbi tia kâ.

³ Tamâta ea uru ika kâpwa ndoni, ande i ma ilo sakamao ñananzi tamâta ñinde uru sika simbi tia, mine ndimo. Anja tamâta ea uru ika simbi tia, ande i ma ilo tu kinzi tamâta ñinde uru sika kâpwa ndoni nde siveta kiesaka, ande i ma ilo mine ndimo, ñana tu Maro Kindeni ikainzi tamâta ñinde lâ kala simo i ne ŋgu tona.

⁴ Noko nde ea kala kutu kulea pa vetâña pinde tamâta ñalae tonje ne wurâta tamâta uru iveta, a? Wurâta tamâta ñinde ne tamâta ñalae simbo nâ ma ipatea tu i iveta ne wurâta ara tâku ara tia tâku. Andeta nanenju morâña tu i ne wurâta

ma ipânnga ara nâ, nana tu Maro Njalae tamwata ma ipu tini kaika papa i wa isuka i wa.

⁵ Tamâta pinde kalonzi tawana tu zo pinde nde zo sapânga, aku zo sapânga ninde sipolenzi zo pinde rârâni. Annga tamâta pinde kalonzi tawana tu zo rârâni nde kie taituni. Andeta ara nana kinzi tamâta rârâni taitu-taitu ma kalonzi ngere sondo muŋga lâ nga, ninenga siveta ikura warakanzi ilonzi kalonzi itula panzi mine.

⁶ Tamâta pinde simege nana Maro Njalae kâ, kala kalonzi tawana tu zo pinde nde sapânga. Aku tamâta pinde simege nana Maro Njalae kâ, kala kawanzi ndanġe pa Maro Kindeni ninenga sika simbi. Annga tamâta pinde simege nana Maro Njalae kâ, kala kawanzi ndanġe pa Maro Kindeni, ninenga sindi kaika pa warakanzi tu ma sika simbi tia kâ.

⁷ Kinda tasama tu ambo kinda tamo viânda, ande nenda via nġine nandai warakânda nâ nenda kelekele nga. Aku mine nâ, ambo kinda ma tamâte, ande nenda mateġa ninde nandai warakânda nâ nenda kelekele nga.

⁸ Ambo kinda tamo viânda, ande Maro Njalae ikai poe pa nenda via. Ambo tamâte, ande Maro Njalae ikatona ninde tona. Ambo kinda tamo viânda tâku tamâte tâku, ande kinda tamo Maro Njalae ne tamâta.

⁹ Nana duvi ninde kâ Kirisi imâte ninenga imandi imo via kilo. Mine kala i imo Maro Njalae panzi tamâta muŋga simâte wa kinzi tamâta simo vianzi wa.

¹⁰ Ayo, annga miki tamâta pinde, nana sâ kâ nga miki uru kalea pa nimi-nambwe nenzi

vetâṅa ku kaporo soki panzi, a? Nana sâ kâ nga miki pinde uru kaporo ṅgua pavaligiṅa panzi nimi-nambwe, a? Miki kasama tu muli nga kinda rârâni ma tamandi lâ Maro Kindeni ne ṅgua nia.

¹¹ Njinde iyoke Maro Kindeni kawa ṅgua ikeno lâ pepa tini mine tu,

“Naṅa Maro Njalae, naṅani uru amo mine ku amo nâ, naṅa aporo mao kanaṅo tu muli nga kinzi tamâta rârâni taitu-taitu ma simâ pa naṅa ku ma sipare tukunzi ṅana sipanea naṅa kâ. Kinzi rârâni ma siporo situla pwataki tu naṅa warakâṅgu nde Maro Kindeni mao.”

¹² Mine nde kinda tasama tu kinda rârâni taitu-taitu ma tapatula pa Maro Kindeni ṅana vetâṅa rârâni muṅga taveta ṅinde duvi.

Kinda ma tavetanzi ninda-nambwe simbe ṅana siveta kiesaka kâ, mine ndimo

¹³ Mine nde ara ṅana kinda ma tapile mâsi ṅana tataleanzi ninda-nambwe ṅana nenzi vetâṅa kâ. Ara ṅana miki taitu-taitu ma ilomi pateu tu, “Naṅa ma alanenzi niṅgu-nambwe ku avetanzi simbe ṅana siveta kiesaka kâ, ande ma tia.”

¹⁴ Naṅa Paulo apaipa kuku Maro Njalae Yesu Kirisi marumbu lâ. Mine nde naṅa asama sondu tu kekekele tonḡe tamwata ikura tu iveta tamâta ipâṅga ilo muso lâ Maro Kindeni nao, ande tia. Taitu kalonḡo nga; ambo tamâta tonḡe kalo tawana tu kekekele tonḡe ma iveta i ipâṅga ilo muso lâ Maro Kindeni nao, ande mao nâ, kekekele ṅinde ma iveta i ilo muso.

15 Ambo noko uru kuka kâpwa tonje, andeta noko ninambwe kalo tawana tu kâpwa ñinde nde muso lâ Maro Kindeni nao, ande noko ne vetâña ñinde ma iveta ninambwe ñinde ilo rârâ. Aku noko ne vetâña ñinde ma itula pwataki tu noko kupu muli pa tini-mwasa ne vetâña marumbu lâ. Kirisi imâte ñana iyaute noko ninambwe ñinde piti lâ kondoma ilo. Ambo noko ne kâña-nuña ma iyaula i ne kalo-tawana, ande ñinde ma ara tia ndo.

16 Ambo noko kutu kelekele tonje nde ara nâ lâ Maro Kindeni nao, ande kupakatona sondo ñga. Tia ma noko ne vetâña iveta tamâta pinde wisinzi nâna ku ma siporo tu, “Wa, kelekele ñinde ikeno muso lâ Maro Kindeni nao”.

17 Ñana tu Maro Kindeni ne mâsi ñana ikai maro panzi tamâta kâ ande piti ndo ñana kâña-nuña ne mâsi wa tukuña wa. Koroani Sapâña ipulia mâsi pinde ipâñga lâ ilonda kalonda, aku mâsi ñine nâ nde kelekele ñalae: mâsi ñana taveta ikura Maro Kindeni ilo papa mine, aña mâsi ñana tamo ilonda kalonda taitu kunzi tininda pinde, aña mâsi ñana ilonda ndeka.

18 Maro Kindeni ilo ara ndo pa tamâta ea ipono muli pa Kirisi ku ipaveta kuku mâsi mine, aku kinzi tamâta kala ma ilonzi ara mine nâ ñana tamâta ñinde ne vetâña.

19 Mine nde ara ñana kindi ma tapaveta kuku vetâña ndia rârâni uru iveta kindi tamo ilonda kalonda taitu kunzi tininda pinde. Aku ara ñana kindi ma tapaveta kuku vetâña ndia rârâni uru isuka tininda pinde nenzi kalo-tawana tu ipâñga kaika tona.

²⁰ Noko ma kusâu pa kâŋa-nuŋa ne mâsi tu iyaula Maro Kindeni ne wurâta, mine ndimo. Mao nâ, lâ Maro Kindeni nao, kâpwa ndoni nde ara ndo ŋana taka kâ. Taitu kuloŋo ŋga; ambo noko kuka kâpwa tonŋe, aku ŋinde iveta tamâta tonŋe imbe ŋana iveta kiesaka kâ, ande noko ne vetâŋa ŋinde nde soki ndo.

²¹ Ambo noko kutu kuka simbi tâku kunu lâa kaika tâku kuveta vetâŋa ndia tâku, andeta ŋinde ma iveta noko ninambwe imbe ŋana iveta kiesaka kâ, ande ara ŋana noko ma kupile vetâŋa ŋinde.

²² Noko ne ilo-kalo ŋana kâŋa-nuŋa kâ nde noko tamwata ku Maro Kindeni rua nâ nemi kelekele. Ambo tamâta tonŋe kalo tawana tu kâpwa ndoni nde ara nâ lâ Maro Kindeni nao, aku ilo rua-rua tia, ande tamâta ŋinde ma indeka nâ.

²³ Andeta kaloŋo ŋga; ambo tamâta tonŋe ilo rua-rua ŋana kâpwa tonŋe kâ, andeta ikai ika nâ, ande iveta soki lâ Maro Kindeni nao, ŋana tu i ne kalo-tawana ŋandai igagati i ŋana ika kâpwa ŋinde ŋga. Ambo noko kalo tawana tu vetâŋa tonŋe nde soki, andeta kulâ kuveta vetâŋani ndaina, ande noko kuveta kiesaka.

15

Kinda ma tapono muli pa Yesu Kirisi

¹ Kinda tamâta pinde nenda kalo-tawana ikeno kaika. Ara ŋana kinda ma tavilanzi tamâta pinde ŋana sikale nenzi malia kâ, kinzi ŋinde nenzi kalo-tawana ikeno kaika tia. Kinda ma ilonda ŋana tapavila warakânda nâ ndimo.

² Ara ɲana kinda rârâni taitu-taitu ma tavilanzi ninda-nambwe wukale tu ma simo ara kâ, ɲana tu vetâɲa mine ma iveta nenzi kalo-tawana ipâɲga kaika.

³ Kinda tasama tu Kirisi tamwata ɲandai ilo tu ma ipavila tamwata nâ. Malia ipâɲga papa i ikura Maro Kindeni kawa ɲgua Daviti iɲgere lâ pepa tini mine tu, “Lâ zo ɲana kinzi tamâta siporo ɲgua pavaligiɲa pa noko, ande nenzi ɲgua soki ɲinde imâ ikai naɲa tona.”

⁴ Nanayoni kinzi ɲgua-tulâɲa tamâta siɲgere Maro Kindeni kawa ɲgua lâ pepa tini, aku ɲgua ɲinde rârâni ne wurâta nde ɲana ipanana kinda kâ. ɲgua ɲinde ne wurâta nde ɲana ipu tini kaika pa ilonda kalonda, ɲana kinda ma takura tu tamandi kaika ku tao tininda pa Maro Kindeni tu ma iveta kie ara pa kinda.

⁵ Kinda tasama tu Maro Kindeni simbo nâ uru ipu tini kaika pa ilonda kalonda, aku i simbo nâ uru isuka kinda tu tamandi kaika. Naɲa ano tu ina ma ivila miki ɲana kapono muli pa Yesu Kirisi ku kamo ilomi kalomi taitu nâ.

⁶ Ambo i ma iveta mine, ande miki rârâni ma kakura tu kamâ taitu kapanea nenda Maro ɲalae Yesu Kirisi tama Maro Kindeni tasuka i ɲa kâki.

Kirisi ivilanzi Juda ɲgu sitavanzi ɲgu pinde rârâni

⁷ Mine nde ara ɲana miki rârâni ma kandeka nâ ɲana kakainzi nimi-nambwe kalo-tawana tamâta rârâni simâ simo kumi, ikura Kirisi indeka ɲana ikai miki kamo kuku i mine. Ambo miki ma kaveta mine, ande paneâɲa ma ilâ pa Maro Kindeni.

⁸ Nana tu Kirisi ipângga wurâta tamâta panzi Juda ngu nana itula Maro Kindeni ne ngua mao pwataki panzi. I ne wurâta ninde iveta ngua pâña rârâni Maro Kindeni munnga iveta kunzi Juda ngu timbunzi ninde tu ipângga kanao.

⁹ Kirisi isama tu kinzi tamâta lâ tinikoa ngu ma simora i ne wurâta ninde ku ma sipanea Maro Kindeni na nana i ne wisi-wisi kâ. Ninde iyoke Daviti kawa ngua ikeno lâ wânggiña paneña kâ ne pepa tini mine tu,

“ Naña ma kawânggu ndange pano lâ kinzi tinikoa ngu naonzi. Naña ma awânggi apaneano asuka noko na kâki.”

¹⁰ Aku ngua tonje kala ikeno mine tu,

“ Miki tamâta lâ tinikoa ngu, miki kande-katavanzi Maro Kindeni ne pateña tamâta ngu.”

¹¹ Aku ngua tonje kala ikeno mine tu,

“ Miki tamâta lâ tinikoa ngu ndoni, miki rârâni kapanea Maro Njalae kasuka i na kâki. Miki tamâta kamo tâno ndoni, miki kawawa i!”

¹² Aku Aisaia kala iporo ngua kana taituni mine tu,

“ Maro Kindeni ma io koipu wasaseki tonje ipângga lâ Daviti tama Jesi see, aku i ma ikai poe panzi tamâta lâ tinikoa ngu. Kinzi tamâta ngu ninde ndoni ma sio tininzi nana i ne zo nana ivetanzi simo ara kâ.”

¹³ Maro Kindeni simbo nâ uru ipu tini kaika pa kinda, kala tao tininda papa i tu ma iveta kie ara pa kinda. Miki nemi kalo-tawana ikeno papa

i, aku naŋa ano tu i ma io ndekâŋa tava wisi-pisi sipipi ndo lâ ilomi kalomi. Njineŋga Koroani Sapâŋa ne walo kaika ma isukami ŋana kamandi kaika ndo ku kao tinimi pa Maro Kindeni tu ma iveta kie ara pami.

Paulo indeka ŋana wurâta njinde Maro Kindeni ipatea papa i

¹⁴ Njingu-nambwe wukale, naŋa warakâŋgu kalonŋu tawana tu miki uru kapaveta kuku vetâŋa ara ikura zo rârâni, aku ilo-kalo ara nde ipipi lâ ilomi kalomi. Mine nde miki taitu-taitu kakura tu kapanananzi kalo-tawana tamâta pinde.

¹⁵ Taitu kala njine naŋa aŋgere ŋgua kaika pinde imâ pami. Naŋa atu apano ilomi kalomi, ŋana miki ma kalomi ŋgere sondo kilo ŋana ŋgua njinde kê. Naŋa ŋandai aruru ŋana aŋgere ŋgua kaŋa mine ŋga, ŋana tu Maro Kindeni munŋani io ne wisi-wisi imâ pa naŋa, kala ipatea naŋa

¹⁶ tu amo Yesu Kirisi ne wurâta tamâta panzi tamâta lâ tinikoa ŋgu. Nanenŋu wurâta nde ŋana atula Maro Kindeni ne pâri ara panzi. Mine kala naŋa amo atogo patarawâŋa tamâta mine, aku uru akainzi tamâta lâ tinikoa ŋgu aonzi silâ pa Maro Kindeni itogo patarawâŋa i ilo ndo papa mwasina. Aku Koroani Sapâŋa ikainzi tamâta njinde ku ivetanzi sipânŋa Maro Kindeni ne ŋgu mao.

¹⁷ Naŋa apaipa kuku Yesu Kirisi lâ. Mine kala naŋa andeka nâ ŋana wurâta njine Maro Kindeni ipatea pana.

18-19 Naņa ma amandi kaika atula ņgua pwataki ņana kelekele taitu nâ. Naņa ma atapâri ņana vetâņa ara ņinde Kirisi iveta panzi tamâta lâ tinikoa ņgu lâ nanenģu wurâta tini. Igagati ilonzi kalonzi ņana sipono muli pa Maro Kindeni kawa ņgua. Koroani Sapâņa ne walo kaika uru ivila nanenģu ņgua wa vetâņa wa, aku ivilana ņana aveta mâsi kaika kie-kie pinde tona. Mine nde wurâta ņine ipâņa kanaņo lâ. Nia ndoyo naņa amandi atula pâri ara ņana Kirisi kâ lâ Jerusalem lawea muņģa lâ, ņinenģa aveta mine ayoka alâ akura nia nia lee apâņa lâ Ilirikum tâno.

²⁰ Ikura zo rârâni, naņa ilonģu ndo tu atula pâri ara panzi tamâta lâ lawea ndia Yesu Kirisi parina ņandai ipâņa panzi ņga. Naņa aporo ņgua tambirâņa mine tu naņa tiningu pwâka tu apa luma kâki lâ sâmbwe ņinde tamâta tonģe muņģa inģunu lâ imandi.

²¹ Nanenģu vetâņa ņinde iyoke Maro Kindeni kawa ņgua ikeno lâ pepa tini mine tu,

“ Tamâta pinde ņandai silonģo i parina ņga, andeta kinzi ņinde ma simora i nao. Aku tamâta pinde ņandai silonģo i kawa ņgua ņga, andeta kinzi ņinde ma sisama ņgua ņinde kie sondo.”

Paulo itu ikalelenzi lâ Rom lawea, ņinenģa ma ilâ pa Spen tâno

²² Nanenģu wurâta ņine uru ipono naonģu ikura zo rârâ. Mine kala naņa ņandai amâ akalele miki ņga.

²³ Ikura mbwera mbwera naŋa ilonŋu ndo tu amâ amorami. Aku zo ŋine nanenŋu wurâta lâ nia ŋine ande marumbu lâ.

²⁴ Mine nde muli ŋga, lâ zo ŋinde naŋa ma alâ pa Spen tâno, ande naŋa ilonŋu tu ma amâ akalele miki muŋga lâ ŋga, ŋinenŋa ma alâ pa Spen. Naŋa ma andeka nâ ŋana amo kumi ikura zo pinde, aku muli ŋga naŋa ilonŋu tu miki ma kavila naŋa ŋana alâ pa Spen tâno.

²⁵ Andeta zo ŋine naŋa atu alâ pa Jerusalem lawea ŋana avilanzi Maro Kindeni ne tamâta simo ŋinde.

²⁶ Muŋga kinzi kalo-tawana tamâta ŋgu simo Masedonia tâno wa Grik tâno wa, kinzi ŋgu ŋinde sipa ŋgua tu ma sigona mbumbu pinde ku ma sio ilâ pa Jerusalem ŋana isukanzi Maro Kindeni ne tamâta pinde, kinzi ŋinde uru simo sugorai.

²⁷ Kinzi warakanzi nâ ilonzi patea tu ma siveta mine panzi Juda ŋgu sugorai tamwatanzi, aku ŋinde ara ndo, ŋana tu kinzi kalo-tawana tamâta lâ Juda ŋgu nenzi mbuku keno panzi kalo-tawana tamâta lâ tinikoa ŋgu. Ŋana tu muŋgani Maro Kindeni itula pâri ara panzi Juda tamâta, aku muli ŋga kinzi sikai pâri ara ŋinde silâ situla panzi tamâta lâ tinikoa ŋgu tona. Mine nde ara ŋana kinzi kalo-tawana tamâta lâ tinikoa ŋgu ma sikai tâno ŋine ne mbaliŋa Maro Kindeni muŋga ilanzi ŋinde, aku ma siwae mbaliŋa ŋinde ilâ panzi Juda tamâta tona.

²⁸ Kala ŋine naŋa atu akai mbumbu ŋinde kinzi sigona lâ ikeno, aku akai alâ awae panzi

kalo-tawana tamâta lâ Jerusalem lawea. Mambo wurâta ñinde marumbu lâ ñga, ñineŋga naña ma amâ akalele miki. Aku muli ñga naña ma alâ pa Spen tâno.

²⁹ Naña asama tu muli, lâ zo ñinde naña ma amâ apâŋga pami, ande Kirisi ma iveta kie ara ndo pami.

³⁰ Niŋgu-nambwe wukale, nenda kalo-tawana ikeno pa Maro Nalae Yesu Kirisi, aku Koroani Sapâña itula tini-mwasa ne vetâña pwataki pa kindâ lâ. Mine nde naña ano pami tu miki ma kamandi kuku naña ku kakai noña kaika pa Maro Kindeni tu ma ivilana.

³¹ Naña ilongu tu miki ma kano papa i tu ma ikea ñanana, ñana tu tamâta pinde simo Judia tâno nde kalonzi tawana Yesu Kirisi tia, kala situ siveta malia pana. Aku kakai noña tava tu i ma ivetanzi ne tamâta simo Jerusalem lawea ñinde tu ma ilonzi ara ñana wurâta ñine naña aveta ñana avilanzi kê.

³² Ambo Maro Kindeni ma isâu pa nanenngu noña, ande naña ma amâ amora miki tava ndekâña ñalae. Aku naña ma apwarea tini kumi ñana akai walo kê.

³³ Maro Kindeni, ina wisi-pisi warika, imo kuku miki rârâni. Mao.

16

Paulo kawa kari ara panzi tamâta pinde

¹ Naña ilongu tu miki ma kaveta kemi ara nâ pa kalo-tawana taine Fibi. I ne wurâta nde ñana ivilanzi kalo-tawana tamâta simo Senkria lawea.

² Fibi nde imo Maro Njalae ne wurâta taine. Mine nde naŋa ilonŋu tu miki ma kakai i imâ imo kumi, itogo kinda Maro Kindeni ne tamâta uru taveta mine. Ambo kelekele pinde ikeno papa i tia, ande naŋa ilonŋu tu miki ma kavila i, ŋana tu i muŋga ivilanzi tamâta rârâ, aku ivila naŋa warakâŋgu tona.

³ Naŋa ilonŋu tu miki ma kakai kawâŋgu ku kaporo kari ara ilâ panzi Prisila ku Akwila rua. Kinzi rua uru simandi kuku naŋa ŋana kaveta wurâta pa Yesu Kirisi kâ.

⁴ Muŋga kinzi rua sipalilu silâ paraŋa ilo ŋana sivila naŋa kâ. Mine kala kawâŋgu ndaŋge ŋalae pa kinzi rua. Andeta naŋa simbonŋu nâ tia; kinzi kalo-tawana tamâta rârâni lâ ŋgu pinde ndoni kala kawanzi ndaŋge pa kinzi rua mine nâ.

⁵ Aku naŋa ilonŋu tu miki ma kaporo naŋa kawâŋgu kari ara ilâ panzi kalo-tawana tamâta ŋinde uru sipasau lâ kinzi rua nenzi luma tona. Aku nanenŋu ŋgua mine nâ ilâ pa Epainetus tona, inani niŋgu-nambwe mao. I imuŋga panzi tamâta rârâni simo Esia tâno ŋana io ne kalo-tawana ilâ pa Yesu Kirisi kâ.

⁶ Naŋa ilonŋu tu miki ma kaporo naŋa kawâŋgu kari ara ilâ pa Maria nuwaka tona, ina uru iveta wurâta ŋalae ŋana ivilami.

⁷ Naŋa ilonŋu tu miki ma kaporo naŋa kawâŋgu kari ara ilâ panzi Andronikus kuku Junias rua tona. Kinzi rua nde nawalâŋgu Juda tamâta, aku muŋga simo kuku naŋa lâ luma sakamao ilo. Kinzi rua uru siveta wurâta ara ndo ŋana situla pâri ara kâ, aku kinzi rua simuŋga

pa naŋa ŋana sio nenzi kalo-tawana ilâ pa Yesu Kirisi kâ.

⁸ Naŋa ilonŋu tu miki ma kaporo naŋa kawâŋgu kari ara ilâ pa Ampliatus tona, ina nanayoni ipasipa kuku Maro Ŋalae kala imo niŋgu-nambwe sondo.

⁹ Naŋa ilonŋu tu miki ma kaporo naŋa kawâŋgu kari ara ilâ pa Urbanus tona, ina uru iveta wurâta pa Yesu Kirisi kuku kinda. Aku nanenŋu ŋgua mine nâ ilâ pa Stakis tona, ina niŋgu-nambwe mao.

¹⁰ Naŋa ilonŋu tu miki ma kaporo naŋa kawâŋgu kari ara ilâ pa Apeles tona. Kinda tasama tu i uru ipono muli sondo ndo pa Kirisi. Aku nanenŋu ŋgua mine nâ ilâ pa Aristobulus ne ŋgu tona.

¹¹ Naŋa ilonŋu tu miki ma kaporo naŋa kawâŋgu kari ara ilâ pa nawalâŋgu Juda tamâta Herodion tona. Aku nanenŋu ŋgua mine nâ ilâ panzi kalo-tawana tamâta simo lâ Narsisus ne ŋgu tona.

¹² Naŋa ilonŋu tu miki ma kaporo naŋa kawâŋgu kari ara ilâ panzi taine rua Trifina ku Trifosa rua tona. Kinzi rua uru simakâsa ŋalae ŋana siveta wurâta papa Maro Ŋalae kâ. Aku nanenŋu ŋgua mine nâ ilâ pa Persis tona, ina niŋgu-nambwe mao. I kala uru imakâsa ŋalae ŋana iveta wurâta pa Maro Ŋalae kâ.

¹³ Naŋa ilonŋu tu miki ma kaporo naŋa kawâŋgu kari ara ilâ pa Rufus tona, ina uru iveta wurâta ara ndo pa Maro Ŋalae. Aku nanenŋu ŋgua mine nâ ilâ pa i tina tona. Muŋga taine ŋinde ikatona naŋa sondo ndo, itogo taine uru

ikatona natu mine.

¹⁴ Naŋa ilonġu tu miki ma kaporo naŋa kawânġu kari ara ilâ panzi Asinkritus ŋga Flegon ŋga Hermes ŋga Patrobas ŋga Hermas tona. Aku nanenġu ŋgua mine nâ ilâ panzi kalotawana tamâta uru simo kunzi tona.

¹⁵ Naŋa ilonġu tu miki ma kaporo naŋa kawânġu kari ara ilâ panzi Filologus ku Julia rua, aku ilâ panzi Nereus kuku i mwane rua tona. Aku nanenġu ŋgua mine nâ ilâ pa Olimpasi tavanzi Maro Kindeni ne tamâta râranî uru simo kuku i ŋinde tona.

¹⁶ Naŋa ilonġu tu miki ma kapatânġo warakami mbaumî ku kaporo kari ara ilâ pa warakami taitu-taitu. Kirisi ne kalotawana tamâta ŋu ndoni kawanzi kari ara imâ pami.

Kinzi kalotawana tamâta pinde uru siyaulanzi kalotawana tamâta ŋu

¹⁷ Niŋu-nambwe wukale, naŋa ano kaika pami tu miki ma kapakatona sondo ŋananzi tamâta ŋinde uru sipu nemi ŋu pwapwataki. Nanayoni miki kapanâna sondo ndo ŋana ŋua mao kâ, andeta kinzi tamâta ŋinde uru siveta "a" pa ŋua ŋinde. Kinzi nenzi vetânġa ŋinde iyaula kalotawana tamâta pinde nenzi kalotawana. Miki ma tinimi piti ndo ŋananzi tamâta mine.

¹⁸ Tamâta ea kinzi uru siveta vetânġa potomule mine, ande kinzi ŋinde ŋandai siveta wurâta pa nenda Maro Nalae Yesu Kirisi ŋa. Kinzi ilonzi ŋalae pa kânġa-nuŋa ne ŋua-tukuŋa kaa kaa, aku siveta ŋua mona-mona wa siveta mâru-mâru panzi tamâta. Kinzi nenzi ŋua ŋinde

ilaŋenzi tamâta pinde, kinzi ŋinde sizizâla ŋana tamâta ŋinde nenzi ilo-kalo potomule kâ.

¹⁹ Miki parinami nde isala nia ndoni lâ, kala tamâta rârâni sisama tu miki uru kapono muli pa Maro Kindeni kawa ŋgua. Aku ŋinde iveta ilonŋu ndeka nâ. Naŋa ilonŋu tu miki ma kapanâna sondo ŋana vetâŋa ara kâ, aŋga vetâŋa sakamao nde miki ma kazizâla ŋana.

²⁰ Maro Kindeni, ina wisi-pisi warika, ma tini nâ izavaru Sadana ne walo ku io i imo miki kalomi. Kinda nenda Maro Njalae ne wisi-wisi imo kumi.

Tamâta pinde kawanzi kari ara panzi kalo-tawana tamâta simo Rom lawea

²¹ Timoti, ina uru iveta wurâta kuku naŋa, ande i kawa kari ara imâ pami. Aku Lusius ŋga Jeson ŋga Sosipater, kinzi nawalâŋgu Juda tamâta, kala sio nenzi kari ara imâ pami mine nâ.

²² Naŋa Tertius akai Paulo kawa ŋgua rârâni ku naŋa warakâŋgu aŋgere ne ŋgua ŋinde lâ pepa ŋine tini imâ pami. Naŋa amo nimi-nambwe kalo-tawana tamâta, aku naŋa kala kawâŋgu kari ara imâ pami tona.

²³⁻²⁴ Aku Gaius kala kawa kari ara imâ pami tona. I uru ikatona naŋa Paulo sondo lâ i tamwata ne luma ilo. Kinzi kalo-tawana tamâta simo ŋine nde uru sipasau lâ lumani ndaina. Aku Erastus, i tamâta ŋana ikatona mbumbu pa lawea ŋine ne koipu, aŋga ninda-nambwe Kwartus, kinzi rua kala kawanzi kari ara imâ pami tona.

Kinda ma tapanea Maro Kindeni tasuka i ña kâki

²⁵ Naña uru atula pâri ara ñana Yesu Kirisi kâ pwataki, aku uru aporo tu Maro Kindeni ikura ñana iveta nemi kalo-tawana ipânga kaika. Nia ndoyo, ande pâri ara ñinde ikeno paveâña nâ ikura mbwera mbwera,

²⁶ andeta muli nga Maro Kindeni itula nguani ndaina pwataki panzi ngua-tulâña tamâta, kala kinzi situla ngua ñinde ipânga nia yo lâ. Maro Kindeni, i ñana imo mine ku imo nâ, ande ipatea tu tamâta ngu ndoni ma siloño pâri ara ñinde, ñana kinzi rârâni ma sikura tu kalonzi tawana i ku sipaveta kuku i kawa ngua.

²⁷ Maro Kindeni simbo nâ nde Maro Nalae, aku i simbo nâ nde ilo-kalo rârâni warika. Yesu Kirisi ikai nzâla piti pa kinda lâ ñana tapanea Maro Kindeni tasuka i ña kâki ikura zo zo. Mao.

MARO KINDENI KAWA NGUA
The New Testament and Psalms in the Sio Language
of Papua New Guinea
Nupela Testamen long tokples Sio long Niugini

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

PDF generated using Haiola and XeLaTeX on 28 Dec 2024 from source files dated 31 Aug 2023

b3b81168-89df-5bc3-8b0c-cf72ef93d3de